

আট-আনা সংস্করণ গ্রন্থমালার একমাত্রিতম গ্রন্থ


নারীর শ্রাণ

শ্রীবাষা প্রসন্ন সেন গুপ্ত এম.এ

গুরুদাস চট্টোপাধ্যায় এণ্ড সন্স

২০৩।১।১ কর্ণওয়ালিস্ স্ট্রীট, কলিকাতা

ভাদ্র—১৩৩০



প্রিণ্টার—শ্রীনরেন্দ্রনাথ কোঁটার
ভারতবর্ষ প্রিণ্টিং ওয়ার্কস
২০৩/১/১, কর্ণওয়ালিস্ স্ট্রিট, কলিকাতা

কৈফিয়ৎ

আমার দুর্ভাগা যে আজ যে প্রয়াস নিয়ে আমি সাহিত্য জগতের সম্মুখে সর্বপ্রথম উপস্থিত হচ্ছি, এটাতে আমি নিজেই সম্পূর্ণ সন্তুষ্ট হ'তে পারি নাই। আর এখানা আমার প্রথম প্রয়াসও নয়। সবাই হয়ত আশ্চর্য হয়ে আমার কাছে কৈফিয়ৎ চাইবেন যে, এখানা তবে প্রথম বের হচ্ছে কেন? আকারে ছোট বলেই হউক বা এখানার ভিতর নতুন কিছু ঢোকাবার চেষ্টা করিনি বলেই হউক, এ বইখানা বের করতে আমার বিশেষ কিছু বেগ পেতে হয় নাই। আমার প্রথম লেখা, যেখানা শেষ করে আমি মনে মনে প্রীতিলভ করেছিলাম, সেখানা প্রকাশ করবার আজ পর্যন্ত কোন সুবিধা করে উঠতে পারলাম না। আমার বন্ধুবান্ধব ও মুকব্বিরা সেখানা পড়ে সহানুভূতি প্রকাশ ছাড়া আর কিছুই করতে পারেন নাই। তাঁদের বইখানা ভাল লাগলেও ওর ভিতরে এমন একটা ভাবের ধারা তাঁরা লক্ষ্য করেছেন, যা তাঁদের মতে বাঙ্গালার সমাজ এ অবস্থায় সহ্য করে উঠতে পারবে কি না সন্দেহ। সুতরাং সে বইখানা আমার হাতেই

রইল। সহজ মতকে অবলম্বন করে লোকের মনোরঞ্জন করতে পারলাম না বলে আমি হুঃখিত, তবে লোকের মনোরঞ্জন সহজে এখনও আমি হতাশ হই নাই। যে জিনিষটা আমার কাছে ঠিক বলে মনে হয় সেটা প্রচার করব, আর সমস্ত মতামত অগ্রাহ্য করে, এই আমার আকাঙ্ক্ষা; আমার প্রবল আস্থা আছে যে শেষ পর্যন্ত এ উপায়েই আমি লোকের মনোরঞ্জন করতে সক্ষম হ'ব। আমার এ ছোট বইখানা, যাতে আমি নিজেই সম্পূর্ণ সন্তোষ লাভ করতে পারি নাই, তা যে লোকের কাছে আদরণীয় হবে সে স্পর্ধা আমি রাখি না। তবে সহৃদয় পাঠক পাঠিকাগণ যদি আবর্জনা মনে করে এটা দূরে না ফেলে দেন, তবেই আমি আমার শ্রম সার্থক জ্ঞান করব। ইতি

নিবেদক

শ্রীবামাপ্রসন্ন

উৎসর্গ

মা পঁাপুড়ি !—

আজ প্রায় দুবছর হলো তুই আমাদের মাঝে এসেছিস্ ; এসে এর ভিতরে বুকের মাঝে এত বড় একটা স্থান অধিকার করে বসেছিস্, যা বৃষ্টি দুহাজার বছরেও সম্ভবপর নয়। আজ মনে হচ্ছে না যে নতুনের মাঝে তোকে পেয়েছি। তুই যে আমার কাছে চিরপুরাতন কোন দিন তোকে ছাড়া জীবন চলেছে সে কথাটা আজ বিশ্বাস পর্যাস্ত হয় না। তোর আগমনে আমার সব বদলে গেছে, বকের আগল ভেঙে গিয়ে সেখানে অফুরন্ত উত্তম ছড়িয়ে পড়েছে। তোর ঐ আধ আধ অবোধা ভাষা আমার চিন্তার জগতে অনন্ত ভাবের ইঙ্গিত এনে দিচ্ছে। বয়সে তুই যতই ছোট হস্ না কেন, আমার কাছে যে তুই কতখানি বড় ! তোর ভিতরের মস্ত বড় একটা প্রাণের সাড়া আমার জীবনের গতিকে নিরন্তর পথ দেখিয়ে চালিয়ে নিয়ে যাচ্ছে। তাই আমার এই প্রথম কাঁচা লেখা তোর কচি হাত দুখানিতে তুলে দিলাম।

তোরা বাবা

নারীর প্রাণ

বা

জয় পরাজয়

১

মৌচনের মোহন স্পর্শে রূপলক্ষণো গীতার সমস্ত দেহ
ভরিয়া উঠিল।

সবাই তাঁহাকে পরমা সুন্দরী বলিয়া অভিহিত করিতে
লাগিল। অসামান্য রূপসী গীতা, এমন রূপ শুধু বড়
ঘরেই শোভা পায়; কিন্তু বড় বলিতে যাহা বোঝায়
গীতার পিতা তাঁহার কিছুই নয়। দরিদ্রতার ভিতর
দিয়া তাঁহাকে ক্রায়ক্লেশে জীবনটা টানিয়া লইতে হইয়াছে।
লেখাপড়া যাহা কিছু তিনি শিখিয়াছিলেন তাহা নিতান্ত
সামান্য না হইলেও ক্ষুদ্র মাষ্টারী ছাড়া আর কিছুই
তাঁহার ভাগ্যে ঘোটে নাই। লক্ষ্মীর ভাগ্যের উপর
তাঁহার নজরটা চিরদিনই বেণী রকম ছিল বলিয়াই
যেন লক্ষ্মী চিরদিনই তাঁহার উপর বিমুখ হইয়াছিলেন।

জীবনে অনেক ধ্বস্তাধ্বস্তি করিয়া অবশেষে তিনি সিদ্ধান্ত করিয়াছিলেন যে, লক্ষ্মীর সঙ্গে তাঁহার জন্ম-জন্মান্তরের একটা বাদ আছে, সুতরাং যাহা কপালে জুটিয়াছে তাহা লইয়া পড়িয়া থাকার বুদ্ধিমানের কাজ। সেদিন হইতে বাকী জীবনটা নির্বিবাদে কাটাইতে পারিবেন বলিয়া একটা আশা ও তৃপ্তি তিনি মনের মধ্যে পোষণ করিয়াছিলেন, কিন্তু ভাগ্যদেবী তত সহজে তাঁহাকে ছাড়েন নাই।

তাঁহার দুইটি সন্তান, বড়টি ছেলে। ছেলেকে মানুষ করিয়া তুলিয়া তাহাকে দিদা নিজের জীবনের বার্থ সাধটা মিটাইয়া লইবেন, এমন একটা আশা তাঁহার পিতৃহৃদয়ের মস্ত বড় একটা স্থান জুড়িয়া ছিল। ছেলে বড় হইয়া স্টেটস্ স্কলারশিপ্ লইয়া বিলাত যাইবে ও সেখান হইতে মিভিলিয়ান্ হইয়া আসিবে, ইহাই ছিল তাঁহার জীবনের লক্ষ্য ও সেজন্য তিনি প্রথম হইতেই ছেলেকে তেমন করিয়া গড়িয়া তুলিতে চেষ্টা করিতে-ছিলেন। মাষ্টারী করিয়া ছাত্রসমাজের উপর তাঁহার বড় নিয়ম ধারণা হইয়া গিয়াছিল; কুসংসর্গে মিলিয়া পাছে ছেলেটা নষ্ট হইয়া যায়, এজন্য তিনি ছেলেকে স্কুলে ভর্তি পর্যাস্ত করেন নাই, নিজেই তাহার পাঠের ভার

গ্রহণ করিয়াছিলেন। শুধু তাহা করিয়াই তিনি ক্ষান্ত হইতে পারেন নাই, পাছে তাহার অলক্ষিতে ছেলে খারাপ দলে ভিড়িয়া পড়ে, এ ভাবনায় তিনি সৰ্বদা তাহাকে চোখে-চোখে রাখিতেন। কিন্তু যতই কঠিন করিয়া ছেলেকে বাঁধিতে তিনি চেষ্টা করিতে লাগিলেন, ততই তাহার সমস্ত ছিঁড়িয়া পালাইবার ইচ্ছা বাড়িতে লাগিল। একদিন এক সুযোগে পিতার যত্ন ভাঙ্গিয়া তাহার যৎসামান্য পুঁজিপাটা লইয়া সে প্রস্থান করিল, পিতার আশার মূলে কুঠারঘাত হইল।

কিছুদিন নানারকম মৎস্রবে ঘুরিয়া, নানা প্রকার অকাজ ককাজ করিয়া ছেলে অবশেষে বাড়ীতে আসিয়া চুপ করিয়া বসিয়া আছে। তাহার সম্বন্ধে তাহার পিতা হাল ছাড়িয়া দিয়াছেন, বুঝিয়াছেন যে তাহাকে দিয়া কিছু হইবার সম্ভাবনা নাই, কোন রকমে প্রাণে বাঁচিয়া থাকিতে পারিলেই তাহার পক্ষে যথেষ্ট। তাহার কল্যাণে পিতার অনেক টাকা ধার হইয়াছিল।

নিজের কর্মের ফল হাতে হাতে পাইয়া তিনি যথেষ্ট শিক্ষালাভ করিয়াছিলেন। গীতাকে তিনি সর্ব-প্রকার স্বাধীনতা দিয়াছিলেন; তাহাকে তিনি স্কুলে ভর্তি করিয়া দিয়াছিলেন, ও সব বিষয়েই তাহার একটা

নিজের ইচ্ছা ছিল ও ইচ্ছামত কাজ করিতেও তাহাকে কোন দিন কোন বাধা দেওয়া হয় নাই।

গীতা ষোল বছরে পা দিয়াছে, সে এখন ম্যাট্রিক ক্লাসে পড়ে। পিতার অর্থের সঙ্গতি না থাকায় তাহাকে বাড়ীতে গান-বাজনায় উপযুক্ত শিক্ষা দেওয়ার সুযোগ হয় নাই, কিন্তু গীতা স্কুলে ওস্তাদের কাছ হইতে গান ও এসরাজ, সেতার ইত্যাদি বাজনা বেশ ভাল রকমই শিখিয়াছিল। স্কুলে তাহার admirerএর দল বেশ ভারি ছিল, তাহাদের মধ্যে দু চারজন খুব বড় লোকের মেয়ে। পূজায় ও বড়দিনে বন্ধুদের নিকট হইতে অনেক presents গীতা পাইত। তাহার বন্ধুদের মধ্যে একজন তাহাকে একটা চমৎকার সেতার দিয়াছিল। স্কুলের কোন উৎসব উপলক্ষে অভিনয়াদি হইলে গীতাকেই প্রধান ভূমিকা লইতে হইত, তাহার কারণ গীতা গায় ভাল, অভিনয়েও তাহার যথেষ্ট পারদর্শিতা আছে ও সর্বোপরি স্কুলে সেই সর্বশ্রেষ্ঠা সুন্দরী। স্কুলে তাহাকে সবাই ভালবাসিত, শিক্ষয়িত্রীরা তাহাকে আদর করিত, ছাত্রীরা তাহার সহিত মিশিতে পারিলে নিজকে ধন্য জ্ঞান করিত। এই সব নানা কারণেই স্কুলে তাহার এত প্রসিদ্ধি।

তাহার বাসায় বহু যুবক আসা যাওয়া করিত ; তাহার মধ্যে অনেকেরই অবস্থা বেশ ভাল। তাহার পিতার ইচ্ছা ইহাদের মধ্যে একজনকে গীতা বাছিয়া লয় ও তাহার উপরই তাহার জীবনটা নির্ভর করে। অভাগত সকল যুবকই গীতার রূপ ও গুণে মুগ্ধ হইয়া পড়িয়াছিল ; তাহারা যে কেহ গীতার পাণিগ্রহণ ভাগ্য বলিয়া গণ্য করিত। গীতার সহিত ঘনিষ্ঠতা বাড়াইতে সবার মধ্যেই একটা কাড়াকাড়ি পড়িয়া যাইত ; কে বেশী তাহার দৃষ্টি আকর্ষণ করিতে পারে ইহা লইয়া তাহাদের মধ্যে মস্ত বড় প্রতিযোগিতা চলিত।

কুশল গীতাদের পাড়াতেই থাকে। সে নিঃস্ব পিতার নিঃস্ব পুত্র। তাহার যাতায়াত গীতার পিতার কাছে তত ভাল লাগিত না, কিন্তু এ সম্বন্ধে কিছু বলিতেও তিনি কোন দিন পারেন নাই। কুশল যদিও স্বলার, তবু সবেমাত্র বি এ পাড়, উপযুক্ত হইতে তাহার এখনও অনেক দিন অপেক্ষা করিতে হইবে। মুকব্বিঃ জোর তাহার নাই, পাশ করিয়া সামান্য চাকরী করিয়া তাহার নিজের জীবিকার সংস্থান করিতে হইবে। যাহা কিছু উপার্জন করিবে তাহাও যে সে একমাত্র নিজের কাছে লাগাইতে পারিবে তাহা নহে, কারণ তাহার পিতামাতা

আশাপূর্ণ হৃদয়ে তাহার রোজ্জগারের দিকে চাহিয়া ছিলেন ।

এমন ছেলের হাতে যে তিনি কখনই কণ্ঠাকে দিতে পারিবেন না, তাহা গীতার পিতা জানিতেন ; তাঁহার বিশ্বাস যে গীতাও কখন এমন ছেলের উপর স্নেহ স্থাপন করিতে পারিবে না । তবে সে নিত্য আসে যায় কেন ?

কিন্তু কুশল প্রত্যহ গীতাদের বাড়ীতে যাতায়াত করিত ; সেই ছিল গীতার সর্বপ্রধান ভক্ত । গীতার রূপ গুণ তাহাকেই সব চেয়ে বেশী মুগ্ধ করিয়া ফেলিয়াছিল । আর গীতারও সব চেয়ে তাহার দিকেই দৃষ্টি ছিল বেশী, কিন্তু তাহার মধ্যে সহানুভূতি ছাড়া যে আর কিছু আছে, সে কথা গীতা বুঝিতে পারে নাই ।

২

স্কুলে, বিশেষতঃ কলেজে বড় বড় মেয়েদের মধ্যে বিবাহের আকাঙ্ক্ষাটা প্রায়ই পাইয়া বসে । গীতা দেখিত যে অনেক মেয়ে বিবাহের জন্য পাগল হইয়া পড়িয়াছে ; তাহারা যে কোন মুহূর্তে বিবাহ করিতে পারিলে উত্ৰাইয়া যায় ; তাহারা যে পড়িতেছে তাহা কেবল বিবাহ কপালে

জুটিতেছে না বলিয়া, ও স্কুল কলেজে পড়া বিবাহাদি ব্যাপারের একটা পাশপোর্ট বলিয়া । গীতা দেখিয়া দুঃখিত হইল, এ মেয়েদের সবাই তাহাদের ব্রাহ্ম সম্প্রদায়ভুক্ত । হিন্দু মেয়ে যাহারা পড়িত, তাহারা পড়াশুনার জন্মই কলেজে আসিত, বিবাহের বাজারে সুবিধার জন্ম নহে । তাহাদের পড়াশুনার মধ্যে একটা আন্তরিকতা আছে । গীতাকে তাহার বন্ধুবর্গ এই বলিয়া আশ্বাস দিত যে তাহার আর ভাবনা কি ? এমন রূপলাবণ্য লইয়া সে যাকাকে পছন্দ করিবে, সেই তাহাকে গ্রহণ করিতে উন্মুখ হইয়া আসিবে । রাজ্যরাজ্যের ঘরে তাহার যাইবার যথেষ্ট সম্ভাবনা আছে । প্রত্যুত্তরে গীতা বলিয়াছে যে বিবাহে তাহার মোটেই আসক্তি নাই, স্বাধীন ভাবে জীবন যাপনই তাহার আঞ্জীবন সাধ । যদি কখন একান্ত সে বিবাহ করেই, তবুও সে কখনও বড়লোক বিবাহ করিবে না । তাহার স্বাধীন সত্ত্বা সে পরের পায়ে বিকাইয়া দিতে পারিবে না । বড়লোকেরা হয় ত তাহার রূপ গুণে মুগ্ধ হইয়া তাহার পাণি প্রার্থনা করিবে ; ও তাহাকে লাভ করা ভাগ্য বলিয়াই গণনা করিবে ; কিন্তু ততদিন, যতদিন না তাহাকে লাভ করা যায় । একবার তাহাকে লাভ করিতে পারিলেই তাহাদের

সমস্ত আকাঙ্ক্ষা উবিয়া বাইবে, তাহার সঙ্গ আর তাহাদের কাছে তত প্রার্থনীয় মনে হইবে না। কিন্তু সে যদি গরীব কাহাকেও বিবাহ করে, যাহার প্রতিপদে তাহার সাহায্য প্রয়োজন, যাহার হয় ত তাহার উপার্জনের উপর নিজের সুখ স্বচ্ছন্দতা অনেক পরিমাণে নির্ভর করিবে, তবে সে ত কখনই তাহাকে সাধারণ বলিয়া মনে করিতে পারিবে না; তাহার কাছে চিরদিনই তাহার মর্যাদা অক্ষুণ্ণ থাকিবে; স্বামী অপেক্ষা স্বল্প প্রাধান্যের কাজ করিয়া, স্বল্প প্রধান হইয়া সে এক সংসারে বাস করিতে কখনই পারিবে না; সে চায় সাম্য, আর সে সাম্য সমান সমান কাজ না করিলে কখনই সম্ভব হয় না। স্বামী টাকা আনিবে, আর সে বাড়ী ঘর দেখিবে, তাহা হইলে তাহাদের মাঝে সমান ভাব কখনই থাকিতে পারে না, ইহাই ছিল তাহার ধারণা।

কথাটা মুখে মুখে চারিদিকে রটিয়া গিয়াছিল, কুশলের কানেও প্রকারান্তরে তাহা পৌঁছিয়াছিল ও শুনিয়া সে যথেষ্ট উৎসাহান্বিত হইয়াছিল। তাহার মনে মনে বিশ্বাস জন্মিয়া গেল যে তাহাকে লক্ষ্য করিয়া গীতা কথাটা বলিয়াছে। গীতার পিতা যখন কথাটা শুনিলেন, তখন

তাঁহার মুখ শুকাইয়া গেল, তিনি কি আশা করিয়াছিলেন, আর কিই বা হইতে চলিয়াছে! কিন্তু হাল তিনি ছাড়িলেন না! খেয়ালের বোঁকে মেয়ে কথাটা বলিয়াছে মনে করিয়া তিনি নিশ্চিত হইলেন। তাঁহার মেয়ে নিশ্চয়ই মনে মনে ভেমন ভাবে না, উপযুক্ত ধনী পাত্র পাইলে তাহাকে গ্রহণ সম্বন্ধে যে তাঁহার কন্যা আপত্তি তুলিবে না, সে সম্বন্ধে তিনি একরকম নিশ্চিত ছিলেন। কিন্তু সে দিনের সে কথার পর তিনি কন্যার উপর নজরটা একটু বাড়াইয়া দিলেন; তাহাকে আর আগের মত ভেম্নি একলা ছাড়িয়া দিতেন না; তাহাকে যত্ন করিয়া বড়লোকে কাছে মিশ খাওয়াইতে তিনি চেষ্টা করিতেন। কুশল আসিলে তিনি আজকাল বিরক্তি প্রকাশ করিতেন, কিন্তু প্রেম-বিভোর যুবক সে সব কিছুই গ্রাহ্য করিত না। বড়লোক পাইলে তিনি গীতাকে ডাকিয়া অনেকক্ষণ কাছে বসাইয়া রাখিতেন ও এক সময়ে গীতাকে তাহার কাছে একাকী রাখিয়া তিনি সে ঘর পরিত্যাগ করিতেন। তিনি চলিয়া যাইবার অনতিপরেই গীতা কাজের অছিলায় সে ঘর ত্যাগ করিত ও কুশলের প্রতীক্ষায় উন্মুখ হইয়া থাকিত পিতার ব্যবহার কুশলের উপর যতই কঠিন হইতে লাগিল, কন্যার হৃদয়

ততই তাহার পানে আকৃষ্ট হইতে লাগিল। যে জিনিষটা এতদিন অঙ্কুর রূপে তাহার হৃদয়ে নিহিত ছিল, পিতার ব্যবহারে তাহা ফল মূলে শোভিত হইয়া উঠিল, গীতা কুশলকে ভাল বাসিয়া ফেলিল।



নির্মাল্যকুমার জনৈক হাইকোর্টের জজের একমাত্র পুত্র। বিলাত হইতে ব্যারিষ্টারী পাশ করিয়া আসিয়া বছর পাঁচেক সে হাইকোর্টেই খাতায়ত করিতে-ছিল, কিন্তু গত বৎসর পিতার মৃত্যুর পর সে তাহাও ছাড়িয়া দিয়াছে। অর্থের তাহার আর প্রয়োজন ছিল না; পিতা যাহা রাখিয়া গিয়াছেন তাহাতে অভাবের কিছুই ছিল না, বরঞ্চ অভাব ছিল তাহা ভোগ করিবার লোকের। রাতদিন মোটর দাবড়ান নির্মাল্যের শৈশব হইতেই একটা মস্ত বড় সখ ছিল, কিন্তু আশু আর এক নতুন সখে সে মাতিয়া উঠিল। আমাদের দেশে নাটকের চলন নাই, সাধারণ নাটুশালায় এ বারবনিতা ছাড়া অভিনয় চলে না। সখের থিয়েটারে পুরুষদের মেয়েছেলের ভূমিকা লইতে হয়; তাহাতে আর্ট একেবারে নষ্ট হয়। এদিকে

একটা সংস্কার করিবার জন্য তাহার বাক চাপিয়া বসিল। সে ঠিক করিল যে ভদ্রলোকের পুরুষ মেয়ে লইয়া একটা অভিনয় করিবে। এ কার্যে সে উঠিয়া পড়িয়া লাগিয়া গেল। স্কুলে গীতার অভিনয়-খ্যাতির কথা সে শুনিয়াছিল, সুতরাং তাহাকে অভিনয়ে যোগ দিবার জন্য সে তাহার পিতাকে অনুরোধ জানাইল। মনে মনে তাহার আপত্তি থাকিলেও কণ্ঠ্য যদি এ সুযোগে এত বড় লোকের দৃষ্টি আকর্ষণ করিতে পারে, এই আশায় গীতার পিতা মানন্দে তাহার প্রস্তাব অনুমোদন করিলেন ; ঠিক হইল গীতা অভিনয়ে যোগদান করিবে। কোন চেষ্টার ক্রটি নির্মাল্য করে নাই, তাই তাহার অভিনয়ের জন্য পুরুষ ও মেয়ের অভাব হইল না ; স্থির হইল রবি-বাবুর 'চিত্রাঙ্গদা' অভিনয় হইবে।

চিত্রাঙ্গদার পার্টের প্রথম ভাগটা অন্য একজন মেয়ের উপর দেওয়া হইয়াছিল। মদন হইতে বর লাভ করিয়া যখন চিত্রাঙ্গদা অসামান্য রূপবতী হইয়া উঠিল, তখন হইতে গীতাই ভূমিকা গ্রহণ করিবে ঠিক হইল। অর্জুনের ভূমিকা লইয়াছিল নির্মাল্য স্বয়ং। যথাদিনে মহাসমারোহে অভিনয় হইয়া গেল। সরোবরের পারে চিত্রাঙ্গদার অসামান্য রূপলাবণ্য দর্শনে অর্জুন মুগ্ধ হইয়া পড়িল।

কিন্তু সে মোহটা কি শুধু অর্জুনের? আজ অর্জুনের ভূমিকার অবতীর্ণ নির্মাল্যারও অভিনয়ের মাঝে ঠিক তেমনি একটা মোহ আসিয়া হৃদয় অধিকার করিয়া বসিল। বাসন্তী রঙের একখানা সাড়ী পরিয়া, কলের পোষাকে বন্ধ আবৃত করিয়া স্থির কটাম্বে গীতা তাহারই পানে তাকাইয়া আছে। নির্মাল্যারও হৃদয়ন ভরিয়া তাহাই দেখিতে লাগিল: তাহার প্রাণ আকস্মিক ভরিয়া উঠিল, অর্জুনের যে কি মনের ভাব হইয়াছিল সে তাহা প্রাণে প্রাণে অনুভব করিল।

নির্মাল্যার অভিনয় সেদিন বড়ই সুন্দর ও প্রাণস্পর্শী হইয়াছিল। অভিনয়ান্তে সবাই বলাবলি করিতে লাগিল, যে এমন স্বাভাবিক ও সুন্দর অভিনয় করিতে বড় কাহাকেও দেখা যায় না। গীতার অভিনয়ও চমৎকার হইয়াছিল; কিন্তু তাহা নির্মাল্যার মত অতটা স্বাভাবিক হয় নাই। কুশল অভিনয় দেখিতে আসিয়াছিল; গীতা ও নির্মাল্যাকে এমনি ভাবে দেখিয়া তাহার প্রাণ ঈশায় জলিয়া উঠিতেছিল। যদিও সে জানিত যে ইহা অভিনয় মাত্র, নির্মাল্য শুধু অর্জুনের মনের ভাব ফুটাইয়া তুলিতে চেষ্টা করিতেছে ও গীতা চিত্রাঙ্গদার ভূমিকা অভিনয় করিতেছে, স্তুরাং তাহারা যাহা করিতেছে ইহাতে তাহাদের নিজের কিছুই

নাই, তবুও সে নিশ্যালোর ব্যবহার সহজ ভাবে লইতে পারিল না ; তাহার মনে হইতেছিল যে নিশ্যালা আজ তাহার বক্ষে আঘাত করিয়া তাহার রক্ত ছিনাইয়া লইয়া যাইতেছে ।

কিন্তু এই অভিনয় নিশ্যালোর জীবন-ধারায় সম্পূর্ণ নতুন প্রবাহ আনিয়া দিল । এতদিন যাহার সাড়া তাহার বকের কোন বায়গায়ই পাওয়া যায় নাই, সেদিন এক দিনে তাহা আসিয়া তাহার সমস্ত চিত্ত জুড়িয়া বসিল ; সে বুঝিল যে তাহার শূন্য বক্ষ আজ পূর্ণ হইয়া উঠিয়াছে ; ও তাহা ভরিয়া আছে— প্রাণমাতানো রূপ লইয়া চিত্রঙ্গদা বা চিত্রাঙ্গদার ভূমিকায় গীতার সে অসামান্য রূপের আকর্ষণ ও মাধুর্য্য ।

সেদিন অভিনয়ের পর কুশলের সঙ্গে গীতার নিঃসঙ্গ সাক্ষাৎ হইয়াছিল । কুশলের বিষাদমাখা মুখ দেখিয়া গীতা স্নেহভরে তাহার হাত নিজ হাতে লইয়া, তাহার এমন ভাবের কারণ জিজ্ঞাসা করিল । কুশল আর আত্মসংবরণ করিতে পারিল না, তাহার হৃদয়ন বহিয়া অশ্রু প্রবল বেগে ছুটিতে লাগিল ; গীতা পরম আদরে আঁচল দিয়া সে অশ্রু মুছাইয়া দিতে লাগিল । কুশলের ধমনীর রক্ত নাচিয়া উঠিল, সে দুই হাতে গীতাকে বক্ষে ধারণ করিয়া তাহার ওষ্ঠে প্রগাঢ় চুম্বন অঙ্কিত করিয়া দিল ।

এক করিতে অগ্র হইয়া বসিল। নিৰ্মাণ্য সমাজের চিন্তার ধারা সংস্কার করিতে যাওয়া নিজের হৃদয়-অভ্যন্তরটা ঝাড়িয়া নতুন রঙ্গে সংস্কার করিয়া ফেলিল; সেখানে সেদিন হইতে গীতার মানস-প্রতিমা সংস্থাপিত হইয়া রহিল। কেমন করিয়া সে গীতার সহিত ঘনি-তা করিতে পারে, তখন হইতে তাহাই হইল তাহার প্রধান চিন্তা। অভিনয়ের জন্ত তাহাকে ভিক্ষা করিয়া আনিতে সে তাহাদের বাড়ী গিয়াছিল; অভিনয় হইয়া গিয়াছে, এখন কি বলিয়া সে তাহাদের শুধানে যাতায়াত করিবে? আর তাহা করিলে উহারাই বা মনে করিবে কি? অনেক ভাবিয়া সে ঠিক করিল যে, অভিনয়ের জন্ত ধন্যবাদ দিতে সে একবার গীতার বাড়ীতে যাইতে পারে, তবু ত আর একবার প্রাণ ভরিয়া তাহার মানস-প্রতিমাকে দেখা হইবে!

মনে হওয়ার সঙ্গেসঙ্গেই কাজ। নিৰ্মাণ্য সেদিনও গীতার বাড়ী যাইয়া উপস্থিত হইয়া তাহাকে অভিনয়ের জন্ত যথাসাধ্য ধন্যবাদ করিল। গীতার সাহায্য না পাইলে সেদিন অভিনয় হইতেই পারিত না, একমাত্র তাহার

অভিনয়-চাতুর্যেই সেদিন অভিনয় এমন সাফল্য লাভ করিয়াছিল, এ সব নানা কথায় সে গীতার প্রশংসা করিতে লাগিল। নির্ম্যালোর কথাগুলি গীতার কাছে অযথা প্রশংসার আধিক্য বলিয়া মনে হইল, সে জানিত যে সেদিন নির্ম্যালোর অভিনয় তাহার অপেক্ষা অনেক ভাল হইয়াছে। নির্ম্যালোর কথায় গীতা যথার্থই সন্তুষ্ট হইতে পারিল না।

গীতার পিতা নির্ম্যালাকে পাইয়া আকাশের চাঁদ হাতে পাইলেন। গীতা যদি বুদ্ধি খাটাইয়া তাহার সঙ্গে ব্যবহার করে, তবে তাহাকে পাওয়া তেমন কষ্টকর হইবে না। তিনি সেদিন নির্ম্যালার জন্য তাঁহার সাধ্যাতীত প্রচুর জলযোগের আয়োজন করিলেন ও তাহাকে অনেক রাত্রি পর্যন্ত বাড়ীতে রাখিয়া, যাইবার সময় তাহার কাছ হইতে কথা লইয়া ছাড়িলেন যে, এবার হইতে সে মাঝে মাঝে সেখানে এক একবার পায়ের ধূলা দিবে। নির্ম্যাল্য সেদিন যতক্ষণ ছিল তার মধ্যে গীতার একবারও সে স্থান ছাড়িয়া উঠিবার সাধ্য হয় নাই; যতবারই সে উঠিতে গিয়াছে ততবারই তাহার পিতা তাহাকে নিষেধ করিয়াছেন, নির্ম্যাল্য একা বসিয়া থাকিবে, সে কি রকম! গীতা একবার তাহার বাবাকে সেখানে

বসিয়া থাকিতে বলিয়া, উঠিয়া গিয়াছিল, কিন্তু পরমুহূর্ত্তেই তাহার ডাক পড়িল, তাহার পিতা বিশেষ কাজে বাহির হইয়া যাইতেছেন, তাহাকেই নিশ্যালোর কাছে বসিতে হইবে। বস্তুতঃ, তাহার পিতার কোন কাজই ছিল না, শুধু গীতাকে নিশ্যালোর কাছে বসাইয়া রাখিতেই তাহার এই অছিল। ফলে নিশ্যালোর খুবই সুবিধা হইয়াছিল, সে যে জন্ত আসিয়াছিল তাহা সম্পূর্ণ সফল হইয়াছিল, যতক্ষণ সে ছিল ততক্ষণ সে ছুসয়ন ভরিয়া গীতাকে দোঁখিতে পারিয়াছে, কিন্তু গীতা তাহার পিতার ব্যবহারে মর্মান্তিক চটিয়া গিয়াছিল।

সেদিন হইতে নিশ্যালো প্রতিদিন গীতাদের বাড়ীতে যাতায়াত করিতে লাগিল। তাহার কথাবার্তায় গীতা সন্তুষ্ট হইল ও ক্রমেক্রমে তাহার সম্বন্ধে ভাল ধারণা পোষণ করিতে লাগিল। প্রথম দিন তাহার সঙ্গ তাহার মনে যে বিরক্তি আনিয়া দিয়াছিল, ক্রমে ক্রমে তাহা মুছিয়া গেল; এখন তাহার সঙ্গ গীতাকে বরঞ্চ আনন্দই প্রদান করিত। কিন্তু যেদিন একটা কথার ফাঁকে সে জানিতে পারিল যে, তাহার পিতার ইচ্ছা তাহাকে নিশ্যালোর হাতে সমর্পণ করা, ও নিশ্যালোও গীতাকে পাইবার জন্ত উন্মুখ হইয়া আছে, সেদিন হইতেই তাহার চিন্তা বিরক্তি ও বিদ্রোহে পরিপূর্ণ হইয়া

উঠিল। সে কুশলকে ভাল বাসিয়াছে ; যদি কখনও বিবাহ করে তবে তাহাকেই করিবে, সে ছাড়া এ পৃথিবীতে কেই বা তাহার সম্মান অক্ষুণ্ণ রাখিতে পারিবে ?

গীতা অদ্ভুত ধরণের মেয়ে। সে কুশলকে ভাল বাসিয়াছে, কিন্তু তাহাকে বিবাহ করিবার কল্পনাও সে কখন করে নাই, স্বাধীন ভাবে জীবন যাপনের ইচ্ছা তাহার মনের মধ্যে কুশলকে পাওয়ার আকাঙ্ক্ষাকে ছাপাইয়া উঠিয়াছিল। তবে কুশলের সহিত জীবন মিলাইলেও স্বাধীনতা কতক পরিমাণে অক্ষুণ্ণ থাকিতে পারে। সেদিন কলেজে সে কথায় কথায় বাহা বলিয়া ফেলিয়াছিল, তাহা যে কেবল খেয়ালের কোঁকে, তাহা নহে ; এ কথাটা সে অনেকবার ভাবিয়াছে ও ভাবিয়া চিন্তিয়া তাহাই স্থির করিয়াছে। তাই সেদিন যখন সে শুনিল যে তাহাকে নিম্নাঙ্গের পায়ে বিকাইয় দিবার ষড়যন্ত্র চলিতেছে, তখন তাহার সমস্ত মন বিদ্রোহী হইয়া উঠিল, পৃথিবীর উপর সে হাড়ে হাড়ে চটিয়া গেল। কি উপায়ে যে ইহার প্রতিশোধ লওয়া যায়, সে শুধু তাহাই ভাবিতে লাগিল।

সেদিন হইতে এ বিষয়ে পিতা তাহাকে নানাপ্রকার উপদেশ দিতে আরম্ভ করিয়াছিলেন। নিম্নাঙ্গকে পাওয়া যে পরম ভাগ্য, এমন লক্ষ্মীকে পায়ে ঠেলিলে যে আত্মজীবন অনু-

তাপ করিতে হইবে, এইরূপ নানা কথা অনবরত গীতার কর্ণে বর্ষিত হইতে লাগিল। গীতা নিষ্পন্দে সকল শুনিয়া যাঁত. কোন কথাই কিছু উত্তর করিত না। তাহার মৌন ভাব সম্মতির লক্ষণ মনে করিয়া তাহার পিতা উৎসাহে নাচিয়া উঠিলেন, নির্ম্মাল্যের কাছে তিনি বলিলেন যে তাঁহার ও কন্টার মধ্যে এ বিষয়ে আলোচনা হইয়া গিয়াছে ও নির্ম্মাল্যকে লাভ করা যে পরম সৌভাগ্য তাহা গীতা নতমুখে স্বীকার করিয়াছে। বিবাহের সমস্ত ঠিক হইয়া গেল। গীতার পিতা ভাবিলেন “শুভশ্র শীঘ্রম্”। তাই তাড়াতাড়ি বিবাহ দিতে তিনি ব্যস্ত হইয়া পড়িলেন। নির্ম্মাল্যেরও বিলম্ব সহ হইতে ছিল না। ঠিক হইল আগামী মাসের প্রথম ভাগেই বিবাহ হইয়া যাইবে, ইতিমধ্যে যাহা সম্ভব বন্দোবস্ত করিতে হইবে।

৫

সেদিন নির্ম্মাল্য আসিয়া বলিল “গীতা, এতদিন ভরসা পাইনি, বুঝে উঠতে পারিনি যে তোমার মনের ভাব কি, কিন্তু আজ তোমার বাবার মুখে শুনে আশ্বাস পেয়ে তোমাকে জানাতে এসেছি যে অভিনয়ে তোমার মোহন-

মূর্ত্তি দেখে আমি সেই মুহূর্ত্তেই তোমাতে আমার মনপ্রাণ
সঁপেছি” ! শুনিয়া গীতা স্তম্ভিত হইয়া গেল, তাহার পিতা
তাহাকে কি আশ্বাস দিয়াছেন ? গীতা কোন উত্তর করিতে
পারিল না, তাহার মাথা ঘুরিতেছিল ।

নির্ম্মালা বলিতে লাগিল “স্বপ্নেও ভাবিনি যে এত
সৌভাগ্য আমার হবে । তুমি যে আমাকে গ্রহণ করিতে
চাইবে সে আশা আমি করিতে পারিনি । কিন্তু আজ দেখছি
ভাগ্যদেবী সত্যই আমার একান্ত সহায় । তোমার বাবার
মুখে যেই শুন্লাম যে তুমি আমাকে চাও, তখন যে কি
আনন্দে আমার প্রাণ নেচে উঠেছিল—“তাহার কথা শেষ
হইতে পারিল না, গীতা টলিতে টলিতে ঘর হইতে বাহির
হইয়া গেল । নির্ম্মালা অবাক হইয়া সেখানে দাঁড়াইয়া
রহিল ; সে বুঝিতে পারিল না, গীতার এ আচরণের অর্থ
কি । শেষে মনে মনে সিদ্ধান্ত করিল যে বিবাহের পূর্বে
এরূপ আলোচনা বোধ হয় গীতা পছন্দ করে না, তাই-
এমনি ভাবে সে ঘর পরিত্যাগ করিল । লজ্জায় ও দুঃখে
নির্ম্মালোর মন ভরিয়া উঠিল, ধীর পদক্ষেপে সে বাহির
হইয়া পড়িল ।

সমস্ত ঘটনা গীতার সম্মুখে জলের মত পরিষ্কার হইয়া
গেল । তাহার পিতা মিথ্যা বানাইয়া নির্ম্মালোর কাছে

বলিয়াছে, নহিলে কি সাধ্য তাহার যে সে আজ তাহাকে এমনি ভাবে অপমান করে। তাহার পিতা, এত আদরের পিতা, যাহার ভালবাসার কাছে সে তাহার এই ষোলবছর জীবনের জগ্নু ঋণী, তিনি কি একবারও তাহার অন্তরের দিকে ফিরিয়া চাহিলেন না? টাকার লোভে তাহাকে এমনি ভাবে পরের কাছে বিকাইয়া দিতে সম্মত হইলেন! তাহার পিতা, যাহার সম্বন্ধে এত উচ্চ ধারণা সে আজীবন পোষণ করিয়া আসিয়াছে, তিনি কি না, টাকা দেখিয়া তাহার কণ্ঠাকে বিলাইয়া দিতে উন্মুখ! তাহার কণ্ঠার টাকার উপর এত স্পৃহা, একথা তিনি কেমন করিয়া মনে করিতে পারিলেন! কেমন করিয়া তিনি ভাবিলেন যে ধনবান কাহাকে বিবাহ করিলেই সে সুখী হইতে পারিবে? বিবাহেই তাহার প্রয়োজন নাই। তবে যদি একান্ত সে পিতার গলার কাঁটা হইয়াই থাকে, তবে তাহাকে নিজের ইচ্ছামত পতি নির্বাচন করিতে দিলেই হইত। তাহার ত বৈভবের কোন প্রয়োজন নাই; এ সব কথা ভাবিতে ভাবিতে উত্তেজনায় টলিতে টলিতে গীতা নিজের ঘরে প্রবেশ করিয়া ভিতর হইতে দরজা বন্ধ করিয়া দিল। পৃথিবী তাহার পায়ের তলা হইতে সরিয়া যাইতেছিল, সে নিজকে ধরিয়া রাখিতে পারিল না; উপুড় হইয়া বিছানায় পড়িয়া সে কাঁদিতে লাগিল।

সে রাত্রিতে অনেক সাধ্যসাধনা করিয়াও কেহ তাহাকে দিয়া ঘরের দরজা খোলাইতে পারে নাই। সে রাত্রিতে কাহারও খাওয়া হইল না, গৃহ-জোড়া একটা বিষাদের ছায়া রহিল। রাত্রিতে গীতার চোখে ঘুম আসিল না, সে কেবল নিজের ভাগ্যচিন্তা করিতেছিল। এত বড় অত্যাচার আজ তাহার উপর হইতেছে, আর এ যজ্ঞের প্রধান নেতা তাহার পিতা। পিতা হইয়া কন্যার উপর তিনি এতটা অবিচার করিলেন ! তাঁহার পিতৃহৃদয়ে কি একফোঁটা করুণারও স্থান নাই ? তাঁহার কি ভাল করিয়া চিন্তা করিয়া বুঝিবার ক্ষমতা নাই কিম্বা তাঁহার কন্যার যথার্থ সুখ বর্ধিত হয় ? আজ তিনি যাহাকে কন্যার সুখ বলিয়া মনে করিতেছেন, আজ কন্যার যে সুখের জন্ম এতবড় মিথ্যা কথাটি এত অনায়াসে তিনি বলিয়া বসিলেন, সে যে সুখ মোটেই নয়, তাহাই যে তাহার জীবনের সব চেয়ে বড় অভিশাপ। কি করিয়া সে ইহার প্রতিশোধ লইতে পারে, কেমন করিয়া সে জগতের সম্মুখে জানাইতে পারে যে পিতা হইয়া তিনি আজ কন্যার উপর কি অবিচার করিলেন ! গীতা ঠিক করিল, যে নিজের জীবন উৎসর্গ করিবে ! করুক নিশ্চাল্য তাহাকে গ্রহণ ও তারপর যত পারুক তাহাকে পেষণ করুক, সে কোন বাধা দিবে না। আকাজকা ফিরিবার পর যখন

নির্ম্মালা তাহাকে পদদলিত করিবে, তখন ধ্বংসাবশেষ গীতা উঠিয়া আসিবে তাহার পিতার সম্মুখে, তাহাকে তাঁহার জলন্ত কীর্ত্তির নিদর্শন চোখে আগুল দিয়া দেখাইবে। তাহার জীবন বুথা চড়ক ক্ষতি নাই, তবুও তাহার পিতাকে বুঝাইতে হইবে যে ধনের দিকে নড়র দিয়া তিনি তাঁহার কল্যায় উপর যে অত্যাচার আশ্রয় করিলেন এমন বাব-হার অন্তরঃ পিতার সাজে না। নিঃের জীবন উৎসর্গ করিয়া সে পিতার কে শেল হানিয়া যাইবে, তাহা হইলেই উপযুক্ত প্রতিশোধ হইবে।

পরদিন ভোরে যখন গীতা ঘর হইতে বাহির হইল তখন সে অনেকটা প্রকৃতিস্থ হইয়াছে। তাহার পিতা তাহাকে অনেক বুঝাইলেন ; এখন যখন কথা দেওয়া হইয়া গিয়াছে তখন তাহা ফিরাইয়া লইলে লোকসমাজে তাহাদের মাথা কাটা যাইবে ও জন্ম আজীবন অনুতাপ করিতে হইবে ইত্যাদি। তবে যদি কন্যা একান্তই নির্ম্মালাকে বিবাহ করিতে না চায়, তবে বাধ্য হইয়া তাহার কথা নির্ম্মালাকে বলিতে হইবে ; কিন্তু তাহাতে যে কত বড় দাগা আসিয়া বৃদ্ধ পিতার বুকে বাঙিবে, তাহা কি গীতার অজানিত ?

গীতা বিশেষ কিছু উত্তর করিল না, কেবল একবার “বিবাহে আমার আপত্তি নাই” বলিয়া স্থির হইয়া বসিয়া রহিল।

কথাটা কুশলের কানে গিয়াছিল ; সে যখন শুনিল যে উভয় পক্ষের মতানুসারে গীতা ও নির্মালোর বিবাহ আগামী মাসের প্রথম ভাগে সম্পন্ন হইবে, তখন সে পাগলের মত ছুটিয়া আসিল গীতার কাছে, ঐ জনশ্রুতির সত্যতা নির্ণয় করিতে । গীতার সহিত কুশলের সাক্ষাৎ হইল ছাদে ; তখন গীতা সেখানে রেলিং ধরিয়া একদৃষ্টে আকাশের পানে তাকাইয়া ছিল । কুশল তাহাকে এ সম্বন্ধে প্রশ্ন করাতে গীতা তাহার দিকে ফিরিয়া মূঢ় হাসিল ; কুশল লক্ষ্য করিল মাধুর্যা সে হাসির মধ্যে বিন্দুমাত্র নাই, এ যেন একেবারে প্রাণহীন ।

কুশল—সত্যি করে বল গীতা, আমি মনের উদ্বেগ আর চেপে রাখতে পাচ্ছি না । তোমার নিজের মুখ থেকে শুনতে এসেছি যে কথাটা মিথ্যা ।

গীতা—কথাটা সত্যি ।

কুশল—সত্যি । তবে তুমি আমাকে ভাল বাস না ? তুমি নির্মাল্যাকে ভাল বাস ?

গীতা—না, আমি তোমাকেই ভাল বাসি ।

কুশল—তবে —তবে—তোমার এ আচরণের অর্থ কি ? ঠাট্টা রাখ, যোড়হাত করে তোমাকে মিনতি জানাচ্ছি, আমাকে আর বিধা হৃদয়ের মাঝে ফেলে রেখ না, আমাকে সত্যি কথা বল ।

গীতা—নির্ম্মালাকে আমি ভালবাসি না, তবুও আমি তাকেই বিবাহ করব, তার কারণ আমি নিজের জীবন উৎসর্গ করে পৃথিবীর উপর বিশেষতঃ আমার পিতার উপর প্রতিশোধ নিতে চাই।

কুশল—আর আমার উপায় ? আমাকে তুমি কি বলে চাবে !

গীতা—তোমাকে আগে আমি যেমনি ভাল বাসতাম চিরদিন তেমনিই ভাল বাসব। লোকের চক্ষে নির্ম্মালোর স্ত্রী হয়ে আমি তার ঘরে ঢুকব বটে, কিন্তু মনে মনে আমি তাকে কখনও স্বামী বলে গ্রহণ করতে পারব না, আমার ভালবাসার একবিন্দু সে পাবে না, এ ত আমার আত্মদান নয়, এ আমার আত্মোৎসর্গ।

৩

বিবাহের দিন কুশল আসিয়া গীতাকে বলিল “না গীতা, আমি অনেক ভেবেছি, কিছুতেই আমি এ বিবাহ হ’তে দিতে পারি না। নির্কির্বাদে আমাদের উপর এতবড় অত্যাচারটা হ’বে, তা আমরা কিছুতেই সহ করব না। মানুষ আমরা, আমাদের অভাব কিসের, পৃথিবীজোড়া আক্রমণের বিরুদ্ধে দাঁড়াবার আমাদের ক্ষমতা আছে।”

মৃদু হাসিয়া গীতা জিজ্ঞাসা করিল “কি করতে চাও ?”

“চল আমরা দুজনে পালিয়ে যাই।”

“ভয়ে পালাতে চাও ?”

“তা না হলে যে তারা তোমার উপর এতবড় অত্যাচারটা করে বসবে। এখন পালিয়ে যাব, আবার দুদিন পরে ফিরে আসব।”

“না।”

“তবে এখানে বসেও ত তুমি বিবাহে আপত্তি করতে পার, তুমি বৈকে বসলে কার সাধ্য বিবাহ দেয়।”

“না, তা হবে না। আমি এ বিবাহ করবই।”

“গীতা, আমার ভালবাসার কি এই প্রতিদান ? তুমি আত্মোৎসর্গ করতে যাচ্ছ, কিন্তু সঙ্গে সঙ্গে যে আমাকেও মেরে রেখে যাচ্ছ সে কথাটা কি একবারও ভাবছ না।”

গীতা হাসিল, ধীরে ধীরে কুশলের হাতখানা নিজের হাতের ভিতর লইয়া সে বলিল “দেখ কুশল, আমি তোমাকে ভালবাসি, তুমি আমাকে ভালবাস, এই কি যথেষ্ট নয় ? প্রেমিকের কাছে এর চেয়ে বেশী প্রয়োজনই বা কি ? আমি ত চিরদিনই ভেবে রেখেছিলাম যে তোমাকে ভালবাসব, কিন্তু কখনও বিবাহ করব না। বিবাহ করা

সে একটা একঘেঁয়ে ব্যাপার, সৃষ্টির আদি হতে তা চলে আসছে। ভালবেসে বিয়েই যদি করলাম, তবে আমাদের পেমের মধ্যে বিশেষত্ব হল কি! দুজন দুজনকে ভালবাসব, কেউ কাউকে পাব না, পাবার আকাঙ্ক্ষাটা চিরদিন আমাদের ভালবাসাটাকে সজীব করে রাখবে, এই ত হল আমাদের অসাধারণত্ব। দৈবভূক্তিপাকে আমাকে নিশ্চাল্যের ঘরে ঢুকতে হবে, কিন্তু তার সঙ্গে বিবাহ আমি কখনও মনে প্রাণে স্বীকার করতে পারব না। তোমার আমার সম্পর্ক একই থাকবে, কেবল একজন আমার দেহের অধিকার পাবে মাত্র। দেহ দানে আমি আমার পিতার উপর তাঁর অত্যাচারের প্রতিশোধ নিতে চাই!”

গীতার কথা শেষ হইতে না হইতেই বাহির হইতে তাহার পিতার আহ্বান শোনা গেল, তিনি বলিলেন “গীতা, তোকে একবার এদিকে আসতে হবে”। গীতা কুশলের হাত ছাড়িয়া দিল, গীতার পিতা তখন ঘরে প্রবেশ করিয়াছেন। তাহাকে সে অবস্থায় ঘরে আসিতে দেখিয়া কুশলের হাড় জলিয়া উঠিল, তাহার এক্ষুদ্র সুখটুকুও তাঁহার সহিল না। পিতা ঘরে আসিলে, গীতা ঘর ছাড়িয়া চলিয়া গেল। কুশলকে এ অবস্থায় ঘরে দেখিয়া তিনি মনে মনে ভয়ানক অসন্তুষ্ট হইলেন, গীতার বিবাহ হইতে চলিল তবুও এ আপদ

বাড়ী ছাড়িয়া নামে না কেন? কুশলকে বিশেষভাবে অপমানিত করিতেই তিনি তাহার দিকে ক্রক্ষেপ মাত্র না করিয়া চেয়ার টানিয়া টেবিলের কাছে বসিলেন; সম্মুখ হইতে একখানা সংবাদপত্র লইয়া তাহাতে মনোনিবেশ করিলেন। কুশলও রক্ষা পাইল। তাহার সঙ্গে কথা বলিতে হইলে হয় ত সে মনের নিরঙ্কি চাপিয়া রাখিতে পারিত না, হয় ত অসংযতভাবে তাহার প্রতি কটু ভাষাও সে প্রয়োগ করিয়া ফেলিত, তাহার মনের অবস্থা তখন এমন হইয়াছিল। তাহা হইতে রক্ষা পাইয়া সে মনে মনে কতকটা নিশ্চিত হইল। ধীরে ধীরে সে ঘর পরিত্যাগ করিল। সেদিন যখন সে বাড়ী পৌঁছিল, তখন তাহার মনে হইতেছিল যেন সে আপন হৃদপিণ্ডটা ছিঁড়িয়া গীতার বাড়ীতে রাখিয়া আসিয়াছে, তাহার সঙ্গে আছে শুধু খোলসটা, হৃদয় বলিয়া যা কিছু সব আজ গীতার উদ্দেশে হাহাকার করিতেছে।

রাত্রিতে গীতার বিবাহ। ধর্ম্মযাজক গীতাকে জিজ্ঞাসা করিতেছিলেন “তুমি নির্যাণ্যকে পতিক্রমে বরণ করিতে সম্মত আছ?” কি একটা উত্তর অস্পষ্ট ভাবে গীতার মথ হইতে বাহির হইল, তাহা বোঝা গেল না, সবাই মনে করিল যে গীতা বলিতেছে “আছি”। গীতাও তাহাই

বলিতে চেষ্টা করিতেছিল। তাহার সমস্ত অন্তর বিদ্রোহ হইয়া আজ যাহা অস্বীকার করিতে আগ্রহ হইয়াছিল, মুখে সমস্ত শক্তি সংগ্রহ করিয়া সে তাহার স্বীকারোক্তি বাহির করিতে প্রয়াস করিতেছিল, কিন্তু স্পষ্টভাবে সে কথা তাহার মুখ হইতে বাহির হইতে পারিল না। ক্ষতি তাহাতে কিছুই হয় নাই, যথাবিহিত নিয়মে তাহাদের বিবাহ সম্পন্ন হইয়া গেল। আনন্দে কাহারও লক্ষ্য আসে নাই যে বিবাহ-আসরে গীতার মখ মরণ মত সাদা হইয়া গিয়াছিল। এ যেন তাহার বিবাহ-উৎসব নয়, এ যেন মৃত্যুর আগমনী-বাণ। নির্মালা গীতার হাত ধরিয়া বসিয়াছিল; সে অনুভব করিতেছিল যে গীতা থাকিয়া থাকিয়া শিহরিয়া উঠিতেছে। বিবাহ শেষ হইলে গীতাকে এক কোণে টানিয়া লইয়া সন্নেহে তাহার মাথায় হাত রাখিয়া নির্মালা জিজ্ঞাসা করিল, সে সম্পূর্ণ সুস্থ বোধ করিতেছে কি না, তাহার মনে হইতেছে যেন তাহার শরীর তেমন ভাল নাই। গীতা মুখ তুলিয়া নির্মালোর মুখের দিকে তাকাইল। নির্মালা দাঁখল যে তাহার চোখের কোণে কালি পড়িয়াছে, মুখ হইতে তাহার সমস্ত আভা মিলাইয়া গিয়াছে। নির্মালা তাহাকে বুকের মাঝে টানিয়া লইল ও তাহার উদ্বৃত্ত গণ্ডে এই প্রথম চুম্বন

করিল। গীতার সমস্ত শরীর কাঁপিয়া উঠিল, প্রাণপণ শক্তিতে সে নিজেকে সংযত করিয়া রাখিবার চেষ্টা করিতে লাগিল। সে নিজের দেহটাকে নির্বিশেষে নিশ্চালোর হাতে বিকাইয়া দিয়াছে, এ দেহ লইয়া সে বাহা ইচ্ছা তাহা করিতে পারে, তাহাতে বাধা প্রদান করিবার তাহার কোন অধিকার নাই।

নিশ্চাল্য ভুল বুদ্ধি ; সে মনে করিল যে গীতার শরীরটা যথার্থই অসুস্থ হইয়া পড়িয়াছে ; তবে এ আনন্দ উৎসবে সবার উত্তেজনার পথে বাধা দিতে সে চায় না, তাই নিজের শরীরে অবস্থা সে গোপন করিয়া আসিয়াছে। গীতাকে বিছানায় শোয়াইয়া তাহাকে বিশ্রাম করিতে বলিয়া নিশ্চাল্য বাহিরে গেল। যাইবার সময় সবাইকে বলিয়া গেল যেন তাহাকে নির্বিশ্বাসে বিশ্রাম করিতে দেওয়া হয়, গোলমাল করিয়া যেন তাহার বিশ্রামের ব্যাঘাত না করা হয়। গীতাকে সে ঘুমাইবার চেষ্টা করিতে বলিল ও বাহিরের সমাগত নিমন্ত্রিতদের নিকট হইতে যতশীঘ্র সম্ভব বিদায় লইয়া সে এখনিই ফিরিয়া আসিতেছে, সে আশ্বাস দিয়া গেল। যাইবার সময় আবার তাহার ওষ্ঠে প্রগাঢ় চুম্বন দিয়া তাহাকে আর একবারের জন্য জালাইয়া সে বাহিরে গেল।

নির্মাল্য ঘর ছাড়িয়া যাইবার পর গাঁতার প্রথম চিন্তা হইল যে আজ হইতে ত ইহা নিত্যকার স্বাভাবিক ব্যাপার হইয়া দাঁড়াইবে, ইহাতে ত আর এমনি ভাবে শিহরিয়া উঠিলে চলিবে না। নিজে মনের ভাব সে নির্মাল্যকে কখনও জানিতে দিবে না, জানিতে দিলে তাহার উদ্দেশ্য সিদ্ধ হইল কি? নির্মাল্যকে দেখাইতে হইবে যে সে পতি-প্রাণা নারী। এমন পতি-প্রাণা নারীকে নির্মাল্য পরিশেষে কি প্রকার অবহেলা করে, তাহা পিতার চোখে আঙ্গুল দিয়া দেখাইবার জগুই ত সে প্রথম জীবনে এত বড় একটা উৎসর্গের অধ্যায় টানিয়া আনিয়া। তাহার এ সমস্তই হাসিমুখে লইতে হইবে, তাহার ব্রত উদ্ঘাপনের এই প্রথম কাজ।

শুইয়া শুইয়া তাহার মনে হইতে লাগিল, নির্মাল্য ক্ষণপরেই এখানে আসিয়া পড়িবে, তাহার সহিত আজ হইতে তাহার রাত্রিযাপন করিতে হইবে। ভাবিতে তাহার প্রাণ শিহরিয়া উঠিল। যাহার সহিত যে কোন সম্বন্ধ স্বীকার করিতে তাহার মন প্রাণ বিদ্রোহী হইয়া উঠিতেছে, আজ তাহাকে এক শয্যাভাগী দেখিয়া সে কেমন করিয়া তিষ্ঠিয়া থাকিবে? এত বড় অভিশাপ সে কেমন করিয়া সহ্যা যাইবে? তাহার ইচ্ছা হইতে লাগিল

তখনই চূপিচূপি গৃহ ত্যাগ করিতে। কিন্তু কোথায় যাইবে সে? যে দিকে ছুই চক্ষু যায়। রাস্তায় বিপদ আসিতে পারে; কিন্তু বিপদে তাহার ভয় কি! আজ যত বড় বিপদ তাহার অপেক্ষা করিয়া আছে, ইহা অপেক্ষা আর গুরুতর বিপদ কি? বা আসিতে পারে? কিন্তু তাই বলিয়া কি, এমনি ভাবে ভয়ে পলায়ন করা তাহার সম্ভব হইবে? পলায়নই যদি শেষে করিতে হইল তবে কুশলের মনে অত বড় দাগা দেওয়ারই বা তাহার কি প্রয়োজন ছিল, আর এত অনুষ্ঠানেরই বা কি দরকার পড়িয়াছিল? সে ত বহু পূর্বেই কুশলকে লইয়া পলায়ন করিতে পারিত। না, সে পলাইবে না; সাহস করিয়া যে জিনিসটা সে টানিয়া আনিয়াছে তাহা শেষ পর্য্যন্ত সহিব'র সামর্থ্য তাহার সংগ্রহ করিতেই হইবে, ভীকর মত পলাইতে সে কখনও পারিবে না। প্রথম হইতে যে জিনিসটার ভয়ে সে ভীত হয় নাই, তাহার সহিত চিরদিনই নির্ভয়ের সহিত তাহার যুক্তিতে হইবে, নিকটে আসিয়া পড়িয়াছে বলিয়াই তাহার ভয়ে বিকল হইলে চলিবে না। ভাবিতে ভাবিতে সে উত্তেজিত হইয়া উঠিল। চিন্তা তাহার মাথা জুড়িয়া বসিল।

ভাবিতে ভাবিতে এক সময় অজানিত ভাবে সে ঘুমাইয়া পড়িল। নিশ্চাল্য ঘরে ঢুকিয়া দেখিল গীতা ঘুমাইয়া

পড়িয়াছে। ধীরে ধীরে অতি ধীরে, সে গীতার পার্শ্বে শুইয়া পড়িল, ও পাখা লইয়া তাহাকে বাতাস করিতে লাগিল। গীতা কিছুই জানিতে পারিল না। ভোর হইতে না হইতেই তাহার ঘুম ভাঙ্গিল।

ঘুম ভাঙ্গিতেই সে বুঝিতে পারিল যে তাহার মাথার নীচে বালিস নাই, নিশ্যালোর বা হাতের উপর মাথা রাখিয়া সে শুইয়া আছে ও নিশালা আর এক হাত দিয়া তাহাকে আলিঙ্গনবদ্ধ করিয়া গভীর নিদ্রায় মগ্ন হইয়া রহিয়াছে।

৭

বিবাহের কয়েকদিন পরে নিশ্যালোর বাড়ীতে একাকী বসিয়া সন্ধ্যায় গীতা গাহিতেছিল—

“যদি জান্তেম আমার কিসের ব্যথা

তোমায় জানাতাম।

কে যে আমায় কঁাদায়, আমি

কি জানি তার নাম।”

এ কয়দিন গীতার উপর দিয়া অনেক কাপটা বহিয়া গিয়াছে, অনেক ধ্বস্তাধ্বস্তি করিয়া অবশেষে সে হৃদয় বাধিয়াছে, জীবনের অভিশাপকে সে এখন মনের মধ্যে

থাপ থাওয়াইয়া লইয়া প্রকৃতিস্থ হইয়া বসিয়াছে। একটা করুণ-কাহিনীর নায়িকা হইয়াই যেন সে জীবনপথে নামিয়াছে ; তাহার ভূমিকা সুচারুরূপে অভিনয় করিয়া যাওয়াই এখন তাহার জীবনের একমাত্র লক্ষ্য। গীতা গাহিতেছিল, তাহার মন গানের সঙ্গে বাহির হইয়া আসিতে চাহিতেছিল। এখন হইতে জীবনজোড়া তাহার অভিনয় ; এমন এক এক সময় তাহার স্বাভাবিকত্ব উপলক্ষি করিবার তাহার সুযোগ মিলিবে, যেমন আজ গানের ভিতর তাহার মিলিয়াছে। গীতা গাহিতে লাগিল—

“সুখ যারে কর সৰল জনে
বাজাই তা’রে ক্ষণে ক্ষণে
গভীর সুরে “চাইনে, চাইনে,
বাজে অবিশ্রাম ॥”

গান থামিয়া গেল, গীতা কতক্ষণ গম্ভীরভাবে বসিয়া থাকিয়া আবার গাহিতে লাগিল—

“আমার এই পথ চাওয়াতেই
আনন্দ।
খেলে যায় রোদ্দ ছায়া
বর্ষা আসে
বসন্ত।”

—এমন সময় স্মীলকে লইয়া নির্ম্মালা ঘরে প্রবেশ করিল, গীতা হারমোনিয়াম ছাড়িয়া উঠিয়া পড়িল।

তাহাকে উঠিতে দেখিয়া স্মীল বলিয়া উঠিল “না না, তা হচ্ছে না বৌদি, বরঞ্চ আমরা বাইরে যাই, আপনি গানটা শেষ করুন, যদি আমাদের সামনে গান গাইতে আপনার আপত্তি থাকে।”

নির্ম্মালা— না না, আপত্তি থাকবে কি? তুই বস, উনি গান গাচ্ছেন।

স্মীল—তাকে ত কোন কথা বলছি ন' ঠুপিড, তুই কেন মাঝে পড়ে চেঁচাচ্ছিস্, দুদিন হ'ল বিয়ে হয়েছে, এর মধ্যেই বউয়ের spokesman হয়ে এসেছেন আর কি। তা, তোর বউ ত আর বোবা নন যে তাঁর হয়ে তোকে সব কথা বলতে হবে। কেমন বৌদি?—তবে এখন এই অধমদের প্রতি আপনার আজ্ঞা? এখানেই বস্ব, না বাইরে গিয়ে দাঁড়াব।”

গীতা হাসিয়া বলিল “বসুন, আমি গাচ্ছি।”

“যে আজ্ঞা” বলিয়া, হাসিয়া নির্ম্মালোর পিঠ চাপড়াইয়া স্মীল বসিয়া পড়িল। গীতা আবার হারমোনিয়াম বাজাইয়া গাহিতে লাগিল—

“আমার এই পথ চাওয়াতেই
আনন্দ ।

খেলে যায় রৌদ্র ছায়া
বর্ষা আসে
বসন্ত ।

কারা এই সমুখ দিয়ে
আসে যায় খবর নিয়ে,
খুসি রই আপন মনে
বাতাস বহে

সুমন্দ ॥

সারাদিন অঁখি মেলে
ছয়ারে র'ব একা ।

শুভক্ষণ হঠাৎ এলে
তখনি পাব দেখা ।

ততক্ষণ ক্ষণে ক্ষণে
হাসি গাই মনে মনে,

ততক্ষণ রহি রহি

ভেসে আসে সুগন্ধ ।

আমার এই পথ চাওয়াতেই

আনন্দ ॥

গান শেষ হইতে না হইতেই সুশীল “Bravo, bravo !” করিয়া চোঁচাইয়া উঠিল। গীতা তাহার দিকে ফিরিয়া চাহিতেই হাত ছোড় করিয়া সুশীল বলিতে লাগিল ‘গোস্বামি মাপ হয় বৌদি, আমার চিরকালই স্বভাব যে ভদ্রতার ক্ষুদ্র গণ্ডীর মধ্যে আমি নিজেকে আটকে রাখতে পারি না। নির্যালাকে জিজ্ঞাসা করলেই জানতে পারবেন যে আমার জন্ম ওদের অনেক ভদ্র-মহলে মাথা নীচু করতে হয়েছে। একটা কিছু ভাল জিনিষ পেলেই আমি এতটা উৎফুল্ল হয়ে উঠি ও সে উৎফুল্লটা চেপে রাখবার ক্ষমতা আমার এতই কম যে, এর জন্ম আমার বন্ধুদের অনেকের কাছেই খাটো হতে হয়েছে।’

নির্যালা তাহার বক্তৃতার মাঝ-পথে বাধা দিয়া বলিল “রাখ রাখ, বাজে বকিস্ না, আলাপ করতে এসেছিন তাই কর, তোর কীর্তির বড়াই এখন বরঞ্চ নাই করলি, পরে ত অনেক সময় পড়েই আছে।”

“বাঃ রে বাঃ এ কি করছি তবে। তোর অভিধানে কাকে আলাপ বলে জানি না। বৌদি, আপনিই বলুন না কেন, আমি যা করছি তাকে আপনি অন্ততঃ আলাপ নামে অভিহিত করতে পারেন কি না ?”

মুহু হাসিয়া গীতা ঘাড় নোয়াইল, সুশীল লাফাইয়া উঠিল “দেখেছিষ্ গাধা, বৌদি কি বলেন? তোর কাণ্ডজ্ঞান মোটেই নেই, কাকে আলাপ বলে, কাকে কি বলে, সেটুকু বুঝবারও ক্ষমতা তোর নাই। যাক্। তবু ভাগ্যি এমন রত্ন তোর ভাগ্যে জুটেছে, বৌদি-ই তোকে মানুষ করে তুলবেন” বলিয়া গীতার দিকে চাহিয়া সুশীল হাসিয়া উঠিল।

নিশ্চাল্য বলিল “তুই যা বল্ছিষ্ বৌদির দিক হতে, সে বিষয়ে certificate পেলেও আমি তাকে আলাপ বলতে পারি না। কেবল নিজের কথাই অনর্গল বলে যাচ্ছিষ্, যার সঙ্গে আলাপ করতে এসেছিষ্ তাকে কি একটা কথা বলবারও অবসর দিয়েছিষ্!”

সুশীল লাফাইয়া উঠিল, দুই হাত ঘোড় করিয়া গীতার কাছে অভিনয়ের সুরে সে বলিতে লাগিল “সত্যিই বড় অপরাধ হয়ে গেছে; তা মহিমাম্বিত বৌদি, আমার ত নিজের কোন গুণ নাই, আপনি আপনার নিজগুণে আমাকে ক্ষমা করবেন। এখন বলুন আপনি আপনার কথা, আমরা উৎফুল্ল হয়ে সে অমৃতসুধা পান করি।”

গীতা তাহার ভাব দেখিয়া হাসিয়া কুটিকুটি হইতে

লাগিল। সুশীলের রকম-সকম তাহার কাছে বড় ভাল লাগিয়াছিল; এমন মনখোলা ভাব চিরদিনই তাহাকে আকর্ষণ করিত। নানা কথাবার্তায় সেদিন গীতা নিজেকে মাতাইয়া তুলিল। এমনি ভাবে আলাপ-সলাপে আনন্দ সে অনেক দিন পায় নাই। কথাবার্তায় কখন সুশীল গীতাকে আপনি হইতে তুমি বলিতে আরম্ভ করিয়াছে, তাহা সে নিজে টেঃ পায় নাই! গীতার কাছে এ ‘তুমি’ সম্বোধনটা বড়ই মধুর মনে হইয়াছিল।

কথায় কথায় সুশীল বলিল “বৌদি, তুমি গাইতেছিলে

সারাদিন আঁখি মেলে

দুয়ারে রব একা ;

কিন্তু আমার মনে হয় তোমার এক মুহূর্তও একা থাকতে এ বাঁদরটা দেবে না। এই ত সবে বিয়ে হয়েছে, এর মধ্যে একেবারে ডুনুর ফুল হয়ে উঠেছে, দেখা পাওয়া ভার। অনেক বণে-কয়ে আজ একবার আমাদের বাড়ী নিয়েছিলাম, তাও ও না গেলে আমি আসব না বলে ভয় দেখিয়ে। একা ত থাকবেই না, বরঞ্চ দোকা থাকতে থাকতে শেষে বিরক্ত হয়ে উঠবে, তা আমি এখন থেকেই বলে দিলাম।” গীতা মনের মাঝে গভীর বেদনা অনুভব করিল; সুশীল ত জানে না যে তাহার প্রকৃত

অবস্থা কি ? সে যে নবীন প্রেমের স্বপ্নর মধ্যে ডুবিয়া থাকার পরিবর্তে মৃত্যুর আবের্ভে পড়িয়া হাবুডুবু খাইতেছে, এ কথা কেই বা জানে !

“অভিনয়ের দিন তোমাকে ও নির্ম্মালাটাকে পাশাপাশি দেখে এমন একটা কথা আমার মনে হয়েছিল, আমার মনে আশা হচ্ছিল যদি সেই অভিনয়-জগতের অর্জুন ও চিত্রাঙ্গদা বাস্তব জগতের অর্জুন ও চিত্রাঙ্গদা হ’ত। আশা পূর্ণ হয়েছে, অস্তরের শুভেচ্ছা নিবেদন করতে আজ ক্ষত্রিয়শ্রেষ্ঠ সুশীল রায় এখানে উপস্থিত। ক্ষত্রিয়জনোচিত শুভেচ্ছা জ্ঞাপন করতে এসেছি, ব্রহ্মজ্ঞানী বলে তা উপেক্ষা করতে পাবে না” বলিয়াই এক লাফে চেয়ার ছাড়িয়া উঠিয়া সে লাঠিটা মাথার চারিদিকে ঘুরাইল, ও পরমুহূর্তে হাসিতে সমস্ত ঘরটা আমোদিত করিয়া তুলিল। নির্ম্মালাও হাসিল, কিন্তু গীতা সে হাসিতে যোগ দিতে পারিল না, তাহার অস্তরটা তখন কিসের ব্যথায় ছলিয়া উঠিয়াছিল। হায় ! সেই অভিনয়ই ত তাহার জীবনে সব চেয়ে বড় অভিশাপ। সে যদি অভিনয়ে যোগ না দিত, তবে আজ তাহার এ অবস্থা হইত না। গীতাকে হাসিতে যোগ না দিতে লক্ষ্য করিয়া গম্ভীর মুখে সুশীল বলিল “না জেনে অপরাধ করে থাকি ত

ক্ষমা করো বৌদি, ক্ষত্রিয়ের আজকাল কিই বা আছে, লোকে কায়স্থ বলে অবহেলা করে, কিন্তু এ লাঠি-গাছটা থাকতে কেনই বা সে অপবাদ নীরবে সহ্য করি। অসির পরিবর্তে এই এখন আমাদের অস্ত্র।”

গীতা হাসিয়া উঠিল, সুশীল তেমনি ভাবে বলিতে লাগিল “দেখলে ত বৌদি, কলিযুগে ক্ষত্রিয়ের প্রভাব! কি অসাধ্য কাজ সাধন করলাম, তোমাকে হাসিয়ে দিলাম; পারে এ অধম ব্রহ্মজ্ঞানী নিশ্চাল্যটা তা করতে।”

সেদিন সুশীল যতক্ষণ ছিল, ততক্ষণ গীতা সমস্ত ভুলিয়া তাহার সঙ্গে আলাপে মত্ত হইয়া রহিল। সুশীলের ব্যবহারে সে যথার্থই আকৃষ্ট হইয়াছিল। সেদিন সুশীল যাইবার সময় তাহাকে প্রতিদিন এক একবার আসিয়া দেখা দিতে গীতা অনুরোধ করিল।

সুশীল বলিল “এতই যদি রোজ রোজ বিরক্ত হবার তোমার সাধ হয়ে থাকে, তবে বেশ, তোমার আঙ্গা অক্ষরে অক্ষরে পালিত হবে। তবে আমার ভয় হয়, কবে বিরক্ত হয়ে আবার তুমি আমাকে লাঠি-পেটা কর, শেষে তোমার হাতে এ ক্ষত্রিয়ের পিঠটা ভেঙ্গে চূরমার না হয়ে যায়।”

সুশীল যাইবার পরে থাকিয়া থাকিয়া তাহার কথাই

গীতার মনে হইতে লাগিল . এমন বন্ধু লাভ করিয়া
সে যথার্থই আনন্দ লাভ করিয়াছে । এমন বন্ধু লাভের
অন্য সে স্বামীর নিকট যথার্থই কৃতজ্ঞ ।

৮

বাহির হইতে জিনিষটা যে রঙ্গে দেখা যায়, ভিতরে
চুকিয়া বোঝা যায় তা সম্পূর্ণ সেই প্রকার নহে ; কল্পনা ও
বাস্তবের মধ্যে এইখানেই প্রভেদ । নির্মালোর গৃহে
গীতা তাহার জীবনের কথা যেমন কল্পনা করিয়া রাখিয়া-
ছিল, বাস্তবে হইল তাহা হইতে বিভিন্ন আনন্দ চির-
দিনই তাহাকে ত্যাগ করিয়াছে, গভীর বিষাদ ছাড়া
আশ্রয় লইবার তাহার আর কিছুই নাই, ইহাই ছিল
গীতার মনোভাব ; কিন্তু সে দেখিল যে মাঝে মাঝে
আনন্দ করিবার এ গৃহেও তাহার কিছু কিছু আছে ,
এমন অবস্থায়ও অক্ষিতে আনন্দ আসিয়া তাহার
মনের মধ্যেও প্রবেশ করে, সে কথা অস্বীকার করিবার
নহে । নির্মালোর বিষয় সে যাহা ভাবিয়া আসিয়াছিল,
এখন তাহার সঙ্গে সংস্পর্শে আসিয়া সে বুঝিল যে তাহা
সম্পূর্ণ ঠিক নহে । ভোগই তাহার জীবনের একমাত্র

লক্ষ্য নয়, গীতার সহিত তাহার সম্পর্ক একমাত্র স্পৃহার নয় ; এ দিক ছাড়া অন্য দিকেও তাহার দৃষ্টি ছিল, সে কথা গীতাও অস্বীকার করিতে পারে না । যদিও গীতা অনেকবার ঠিক করিয়া রাখিয়াছিল, সে নির্ম্যালোর সহিত কোন সম্পর্কই মনে প্রাণে স্বীকার করিবে না, ও তাহার সেই ইচ্ছা অক্ষুণ্ণ রাখিতে সে আপ্রাণ চেষ্টা করিত, তবু ত এ কথা আজ তাহার বলা চলে না যে তাহাদের মধ্যে কোন সম্পর্ক স্থাপিত হয় নাই । স্বামীরূপে নির্ম্যাল্যকে গীতা দেখিতে পারে নাই বটে, তেমন প্রগাঢ় ভালবাসার বিন্দুমাত্রও তাহার হৃদয়ে নির্ম্যাল্যের জন্য সঞ্চিত হয় নাই ; কিন্তু তাহাকে কি নিতান্ত পরের মত সে ভাবিতে পারিয়াছে ? তাহার কি নির্ম্যাল্যের উপর বিন্দুমাত্রও আকর্ষণ জন্মে নাই ? এতদিনের সহবাসেও কি তাহার অন্তরে একটু না একটু দাগ কাটিয়া যায় নাই ? আজকাল ত নির্ম্যাল্যের চুম্বন তাহার গায়ে তেমতি করিয়া ছুরির ঘা মারে না ; আজকাল ত তাহার স্পর্শ তাহার কাছে বৃশ্চিকদংশনের মত মনে হয় না । এ সব সহ হইয়া গিয়াছে বলিয়া কি ? না দিনে দিনে এ সবে উপর বিতৃষ্ণা তাহার কমিয়া আসিয়াছে বলিয়া ? গীতা আজ কিছুতেই অস্বীকার

করিতে পারিতেছে না যে, নির্ম্যালোর স্পর্শ তাহার মনের মধ্যে বিন্দুমাত্র রেখাপাত করে নাই।

গীতার বিবাহের পরদিন হইতে কুশল কোথায় উধাও হইয়া গিয়াছে, এ যাবৎ তাহার কোনও খোঁজ পাওয়া যায় নাই। কুশলের অন্তর্দ্বানে তাহার পিতা-মাতা এক প্রকার পাগল হইয়া উঠিয়াছে, তাহাদের একমাত্র আশা ভরসা এতদিনে শেষ হইল। এ ব্যাপারে গীতা নির্ম্যালোর উপর আরও চটিয়া গিয়াছিল; তাহার অন্তর্হই আজ কুশলের ও তাহার নিঃস্ব পিতা-মাতার এ দুর্দশা। গীতা মনে মনে স্থির করিয়াছিল, যদিও বা কোন দিন তাহার অন্তরের কোন কোণে নির্ম্যালোর জ্ঞা এক আধ ফোটা করুণা জমিতে পারিত, কিন্তু এ ব্যাপারে তাহা চিরদিনের মত অসম্ভব হইয়া গেল। ইহা চিরদিনই তাহার অন্তরের দ্বারে দাঁড়াইয়া করুণার প্রতিবিন্দুকে তাহা হইতে দূরে রাখিয়া দিবে। কিন্তু হইল অন্তরূপ, গীতা নির্ম্যালোর উপর গরম হইয়া উঠিল, তাহার অহরহ গৃহে উপস্থিতি এখন আর তাহার কাছে তত বিরক্তিকর মনে হইত না। একদিন নির্ম্যাল্য একটা কাজে সন্ধ্যায় বাহির হইয়া গিয়াছিল, ফিরিতে তাহার অনেক রাত্রি হইয়াছিল। তাহার ফিরিতে রাত হইতে দেখিয়া

গীতার মন চিন্তায় ভরিয়া উঠিতেছিল, গীতা মনকে চোখ ঠারিয়া বুঝাইতে চাহিল যে, এমন চিন্তা পৃথিবীতে যে কোন লোকের জন্ম যে কোন লোকের হইতে পারে ; ইহাতে তাহার ও নির্ম্যালোর মধ্যে সম্পর্কের কিছু বিশেষত্ব বোঝায় না, ও ইহার মধ্যে ভালবাসার কোনই হাত নাই ।

গীতার আর এক সম্পর্ক জন্মিয়াছিল সুশীলের সঙ্গে । বিবাহের পূর্বে অনেক যুবকই তাহাদের বাড়ী যাতায়াত করিত, কিন্তু এমন হাশ্বিয়, সুভাষী ত তাহাদের মধ্যে একটিও ছিল না । এমনি করিয়া একান্ত অপরিচিত একজনকে এত আপন করিয়া লইতে ত কাহাকেও সে দেখে নাই । প্রথম দিন হইতে গীতার মনে হইতে লাগিল সুশীল যেন তাহার কতদিনের পরিচিত । ক্রমে ক্রমে আলাপে আলাপে গীতা সুশীলের প্রতি এত আকৃষ্ট হইয়া পড়িল, সে যতক্ষণ তাহার বাসায় থাকিত ততক্ষণ তাহার সময় বেশ আনন্দের মধ্য দিয়াই কাটিয়া যাইত । সুশীল একজন সাহিত্যিক ; কবিতা ও গল্প সে অনেক লিখিয়াছে । তাহার সমস্ত লেখা নির্ম্যালোর কাছে ছিল, সেগুলি গীতা মহা উৎসাহে পড়িতে লাগিয়া গেল । সে সব পড়িতে গীতার বড়ই ভাল লাগিত, তাহার লেখার প্রতি ছন্দে মস্ত বড় একটা প্রাণের সাড়া গীতার বুকে আসিয়া বাজিত ।


লেখে ত অনেকেই, কিন্তু এমনি করিয়া প্রাণ দিয়া বুকের রক্ত ঢালিয়া কজন লিখিতে পারে, আর কজনই বা তা চেষ্টা করে। সুশীল যাহা লিখিয়াছে সমস্তই মন প্রাণ ঢালিয়া ! যাহার মন প্রাণ আছে, সে তাহা পড়িয়া মুগ্ধ না হইয়াই পারে না। গীতাও আজ তাহার লেখায় মুগ্ধ হইয়া পড়িল। একদিন সে কথায় কথায় সুশীলকে বলিয়াছিল “সত্যি কিন্তু সুশীল বাবু, আপনার লেখার মধ্যে যেমন একটা প্রাণের স্পর্শ আছে, তেমন আর কোন লেখায় বড় দেখা যায় না।”

সুশীল লাফাইয়া উঠিল “তাই নাকি বোদি, তবে আর কি ? তবু আমার লেখার কদর এ পৃথিবীতে একজন বুঝে ফেলেছে। মনের খেয়ালে কতকগুলি লিখে ফেলেছি, ঘরের পয়সা বের করে তা ছাপিয়েছি, presents যা দিয়েছি তার তবু সদ্যাবহার হয়েছে, বাদ-বাকগুলো আমার বাড়ীতেই পড়ে আছে। বাজারে তার একখানাও কাটে নাই, যদিও পোকাতে তা রাশিরাশি কেটে ছিন্ন করে ফেলেছে। মনটা দমে গিয়েছিল বোদি, কিন্তু আজ তোমার কথায় তা দীপ্ত দাবানলের মত জ্বলে উঠেছে, আবার ক্ষত্রিয়ের রক্ত আমার ধমনীতে বহিতে আরম্ভ করেছে।”

গীতা হাসিল ; সুশীল বাধা দিয়া বলিল “হাস্বে আর কথা

নয় বৌদি, হেসে আমার গাঙ্গীর্ষা নষ্ট করে দিও না। হঠাৎ একদিন আমার মনে হল যে, এ কলিযুগে ক্ষত্রিয়ের অসির পরিবর্তে মসী দিয়ে তাদের বীরত্ব-গৌরব ফুটিয়ে তুলতে হবে, তাই মসী নিয়ে নিজেকে মাতিয়ে তুলতে লেগে গিয়েছিলাম। কিন্তু লোকের অশ্রদ্ধায় আমার সমস্ত গুলিয়ে গিয়েছিল; ভেবেছিলাম ক্ষত্রিয়ের এটা line নয়। কিন্তু আজ তোমার কথায় ঠিক বুঝেছি যে আমিই ঠিক, আমার ধমনীতে যে ক্ষত্রিয় রক্ত বইছে, তার প্রয়োগ মসীর উপর দিয়েই করতে হবে। আজ তুমি আমাকে তা বুঝিয়ে দিলে বৌদি, তোমাকে প্রণাম করি”। বলিয়াই গীতার উদ্দেশ্যে সে টিপ্ করিয়া একটা প্রণাম করিয়া বসিল; গীতা হাসিয়া উঠিল, সুশীলও সে হাশ্বে যোগদান করিল।

সুশীলার সঙ্গ তাহাকে এমনভাবে প্রচুর আনন্দ দান করিতে লাগিল। প্রতিদিন একবার করিয়া সে আসিত, অনেকদিন দুবার করিয়াও সে আসিত ও কোন কোন দিন সে সমস্ত দিন গীতার বাসায় থাকিয়া যাইত। গীতা ক্রমে ক্রমে সুশীলের প্রতি আকৃষ্ট হইয়া পড়িল।



৯

সুশীলা ও গীতার মধ্যে ঘনিষ্ঠতা দিন দিন বাড়িতেছিল। সে ঘনিষ্ঠতা সামান্য বন্ধুত্ব হইতে কিছু দূরে গিয়া পৌঁছিয়াছিল। নিশ্যালের চেখে কিছুই এড়ায় নাই; সে বুঝিয়াছে যে আজকাল তাহার বন্ধু ও স্ত্রীর মধ্যে এমন একটা সম্পর্ক জন্মিয়া উঠিয়াছে যাহার মাঝে তাহার স্থান নাই। নিশ্যাল্য মানুষ; এ অবস্থার বাহ্য মানুষের ভাব হয়, তাহারও তাহাই হইয়াছিল। বন্ধুর ও স্ত্রীর ব্যবহারে সে সন্দিগ্ধ ও মর্সাহত হইয়াছিল কিন্তু তাহাদের মাঝে কোন প্রকার অপ্ৰীতি সৃষ্টি করিবার সে প্রয়াস পাইল না। তাই যদি হয়, সে যদি তাহার স্ত্রীর ও বন্ধুর পেমের এতই অযোগ্য হইয়া থাকে, যে তাহারা এমন ব্যবহার ছাড়া আর কিছুই তাহাকে দিতে পারিল না, তবে তাহাই হউক, তাহারা যাহা ইচ্ছা করুক, সে বিন্দুমাত্র প্রতিবাদ করিবে না। কিন্তু দুঃখের উপর ত কাহারও হাত নাই, তাহার গতিরোধ করে এমন সাধ্যই কাহার? দুঃখ তাহার বুক ছাপাইয়া উঠিল। এ দুঃখে সে কাহাকেও ভাগী করিল না, নিজেই সে এ বোঝা বহিয়া চলিল!

কয়েকদিন যাবত নির্মাল্যের লক্ষ্যে আসিয়াছিল যে, গীতা ও সুশীল। একত্র হইলে তাহাদের মাঝে তাহার উপস্থিতি তাহাদের সহজ স্বাভাবিক আলাপে বাধা প্রদান করে। কারণ ইহার কিছুই নাই; কিন্তু ইহা হয়, এ কথা অস্বীকার করিবার নয়। সাধারণ একটা কথা লইয়া গীতা ও সুশীল মাতিয়া উঠিয়াছে; মূনি সময় যদি নির্মাল্য আসিয়া সেখানে উপস্থিত হয়, তবে তাহাদের উৎসাহ মধ্যপথে বাধা পাইয়া জমিয়া যায়। নির্মাল্য অপ্রস্তুত হইয়া যায়; এ কথা সে কথা বলিঘা সে তাড়াতাড়ি সে স্থান ত্যাগ করিবার জন্য ব্যস্ত হইয়া উঠে; কোনমতে দু চারটা কথা মারিয়া সে তাহাদিগকে একাকী ছাড়িয়া আসে। সুশীল ও গীতা আজকাল পায়ই বায়স্কোপে যায়; যাওয়ার সময় যদিও তাহারা একবার নির্মাল্যের অনুমতি লয় ও নির্মাল্যকে যাইতে অনুরোধ করে, তবুও তাহাদের ভাবগতিকে এটা স্পষ্ট সত্যীয়মান হয় যে, তাহারা নির্মাল্য যাইবে না বলিলেই সন্তুষ্ট হইবে; নির্মাল্য সঙ্গে গেলে যেন তাহাদের সমস্ত আনন্দ পণ্ড হইবে। নির্মাল্য তাহাদের পথে দাঁড়াইতে চায় না, সে তাহাদের যাইতে অনুমতি দেয় ও নিজের কাজের অছিলায় বাসায় থাকিয়া যায়।

কিন্তু তাহাদের এ ব্যবহার যে নিশ্চাল্যের বুকে কত বড় শেল সম বাজে একথা ভাবিবারও তাহাদের সময় হয় না।

সুশীল গীতার উপর আকৃষ্ট হইয়া পড়িয়াছিল প্রথম হইতেই কি না, সে তাহা ভাল করিয়া বুঝিতে পারে নাই। তাহার সহিত যতই সে ঘনিষ্ঠভাবে মিশিতে লাগিল, সে বুঝিতে পারিল যে গীতার মনের মধ্যে কিসের একটা জমাট ব্যথা সঞ্চিত রহিয়াছে। গীতা ও নিশ্চাল্যের সম্পর্ক তাহার কাছে ঠিক সহজ ও স্বাভাবিক বলিয়া মনে হইল না। কি যেন একটা গলদ কোথায় রহিয়া গিয়াছে, ইহাই তাহার থাকিয়া থাকিয়া মনে পড়িতে লাগিল। ভাবিয়া ভাবিয়া সুশীল ঠিক করিল যে, নিশ্চাল্য বোধ হয় গীতার উপর কিছু অবিচার করিতেছে। হায়! এমন রত্নের মূহ্য সে বুঝিতে পারিল না! সহানুভূতিতে তাহার অন্তর ভরিয়া উঠিল, কিন্তু এ সহানুভূতি যে কবে কোন ক্ষণে সম্পূর্ণ বিভিন্ন আকার ধরিয়া মনের ভিতরটা জুড়িয়া বসিয়াছে, তাহা সে বুঝিতে পারে নাই।

গীতা নিশ্চাল্যের ধরে ঢুকিয়াছিল বিক্ষুব্ধ মন লইয়া। প্রথম হইতেই সে নিশ্চাল্যকে অত্যন্ত খারাপ ভাবিয়া আসিয়াছে ও তাহাকে ঘৃণা করিয়াছে। নিশ্চাল্য যাহা

কিছু করিত তাহার একটা কুঅর্থ বাহির করিতে সে প্রাণপণে লাগিয়া যাইত ; নির্ম্মাল্যের সহিত ব্যবহারে মধ্যে সে তাহার প্রতি অত্যাচার অবহেলা ও অপমানের চিহ্ন বাহির করিতে চাহিত । নির্ম্মাল্যের ভালবাসা আদর তাহার কাছে চাতুরীর বেশী কিছু মনে হইত না । যাহা কিছু সে করে সবই ভোগ ও লাভসার অঞ্জলি, হৃদয়ের সম্পর্ক তাহার মধ্যে বিন্দুমাত্র নাই । তাহার স্মৃশীলের সঙ্গে বন্ধুত্বও নির্ম্মাল্য অঞ্চায় চক্ষে দেখিয়াছে । ধারণা মন লইয়া সে আর কিই বা ভাবিতে পারে ! গীতা নির্ম্মাল্যের উপর হাড়ে হাড়ে চটিয়া গিয়াছিল ; কিন্তু সে বুঝিতেও পারে নাই, নির্ম্মাল্য কি করিলে সে সম্বন্ধে হইতে পারিবে । বোধ হয় কিছুতেই নয় । তাহার উপর রাগিবে ইহাই সে স্থির করিয়া রাখিয়াছে, তা সে যাহাই করুক না কেন । তাহার যেকোন কাজেই চটিয়া যাওয়া গীতার পক্ষে কিছুই কষ্টকর ছিল না । তাহার ও স্মৃশীলের সম্বন্ধে নির্ম্মাল্যের মনের ভাব যাহা তাহার কার্যকলাপে ফুটিয়া উঠিয়াছিল, তাহা গীতাকে তাহার উপর মর্মান্তিক ক্রুদ্ধ করিয়া তুলিল ।

স্মৃশীল ছিল এখানে গীতার সর্বপ্রধান আশ্রয় । নির্ম্মাল্যের বাড়ীর ভিতর সমস্তই তাহার বিরক্তি উৎপাদন

করিত, সবটাতেই তাহার পূর্বস্মৃতি জাগাইয়া দিত, ও এখনকার অবস্থার সঙ্গে পূর্বের অবস্থা তুলনা করিয়া বর্তমানের উপর সে মর্মে মর্মে বিরক্ত হইয়া উঠিত। এ বাড়ীতে তাহার একমাত্র আনন্দের জিনিষ ছিল সুশীলের সঙ্গ। এই মুখর যুবক তাহার মনের অনেকটা জুড়িয়া বসিয়াছিল। ইহার সহিত সে রাতদিন আলাপে মত্ত হইয়া থাকিত। ইহার সহিত সে বায়স্কোপ, থিয়েটার, মার্কাস দেখিত। ইহার সহিত বাড়ীর মোটর লইয়া সে প্রতিদিন মাঠে হাওয়া খাইতে যাইত,—নির্ম্মালা সঙ্গে আসিত না, ভালই হইত। কিন্তু তাই বলিয়া এ ব্যবহারের জন্ত গীতা তাহার উপর বিন্দুমাত্র সন্দেহ হইতে পারে নাই। নির্ম্মালোর না আসাটাই বাঞ্ছনীয়, কিন্তু এ না আসাটার মধ্যেও নির্ম্মালোর মনের একটা কদর্যা দিক বাহির হইয়া পড়ে। নির্ম্মালা যে তাহাদের জন্ত প্রতিদিন বাড়ীর মোটর ছাড়িয়া দিত, তাহাদের সুখের জন্ত তাহাদিগকে নির্কিঁবাদের ইচ্ছামত সকল কার্যে স্বাধীনতা দিত, এটা গীতার চোখে মোটেই পড়ে নাই। সুশীলের উপর গীতার স্নেহ এতই ছড়াইয়া পড়িয়াছিল যে, কুশলের কথাও তখনকার জন্ত তাহার মন হইতে সরিয়া গিয়াছিল।

সেদিন গীতার নিকট হইতে বিদায় লইয়া গৃহে ফিরিয়া কুশল ঠিক করিল, সে আর দেশে থাকিবে না। তাহার চোখের উপর গীতার বিবাহ অন্ত এক পুরুষের সঙ্গে হইয়া যাইবে, ইহা তাহার সহের বাহিরে। তাহার স্কলারশিপের যাহা কিছু জমিয়াছিল তাহা লইয়া সেই রাত্রেই সে উধাও হইয়া বাহির হইয়া পড়িল—তাহার পিতামাতা কেহই জানিতে পারিল না, সে কোথায় পলাইয়াছে।

হাওড়ায় যাইয়া প্রয়াগের টিকিট কিনিয়া কুশল গাড়ীতে উঠিয়া পড়িল। বিশেষ করিয়া কোন স্থানে যাওয়া সে স্থির করে নাই; হঠাৎ প্রয়াগের কথা মনে হওয়াতেই সে সেখানকার টিকিট কিনিয়া গাড়ীতে চাপিয়া বসিয়াছিল। বাঙ্গলা হইতে তাহার পলাইতে হইবে, তা যে যায়গায়ই সে গিয়া পড়ুক না কেন। কোন যায়গা সম্বন্ধে বিশেষ স্পৃহা তাহার ছিল না। গাড়ী ছাড়িয়া দিল, এককোণে ঠেস্ দিয়া কুশল তাহার অদৃষ্টের কথা ভাবিতে লাগিল।

পরদিন সে প্রয়াগে পৌঁছিল ও সেখানে এক সরাইয়ে আশ্রয় গ্রহণ করিল। এখন সে কি করিবে, কোন দিক দিয়া জীবনের গতি চলিবে, তাহা সে ঠিক করিয়া উঠিতে পারে নাই ; এ বিষয়ে কোন সিদ্ধান্ত করিতেও সে বিন্দুমাত্র চেষ্টা করে নাই। বাঙ্গালা হইতে বাহির হইয়া পড়াই ছিল তাহার সঙ্গপ্রধান লক্ষা, অন্য কোন কথা ভাবিবার তাহার অবসর হয় নাই। কিন্তু অদৃষ্টের গতি যে অলক্ষিতে নির্ধারিত হইয়া গিয়াছিল, এ কথা সে স্বপ্নেও ভাবিতে পারে নাই।

বিকালে কুশল বেড়াইতে বাহির হইয়াছিল। এখানকার লোকজন, পথ ঘাট, সবই তাহার অপরিজ্ঞাত। সরাই হইতে বাহির হইয়া তাই সে নির্দিষ্ট কোন দিকের উদ্দেশে যাইতে পারে নাই ; তাই সে রাস্তায় ঈতস্ততঃ অন্ত-মনস্ক ভাবে বিচরণ করিতেছিল। তাহার মন জুড়িয়া ছিল গীতার কথায়,—কেমন করিয়া তাহার বন্ধ দিয়া নির্মালা এ হেন রত্ন ছিনাইয়া লইয়া গেল ! গীতা বলিয়াছে, নির্মালা তাহার কেহই নহ, আজীবন সে কুশলকে ভালবাসিবে। কিন্তু কুশল সে কথায় সম্পূর্ণ আস্থা স্থাপন করিতে পারে নাই। এখন গীতার মনের অবস্থা যাহাই হউক না কেন, কালের আবর্তে তাহা সমস্ত ওলোট-পালোট হইয়া যাইবে ;

গীতা একদিন না একদিন নিশ্চিন্তায়ে ভালবাসিবেই। তখন তাহার হৃদয়ের কোন কোণে কুশলের জন্ত একবিন্দু স্থান হইবে কি না, তাহা কে জানে ?

হঠাৎ কুশলের চিন্তা-স্রোতে বাধা পড়িল। একথানা মোটর হঠাৎ তাহার সন্মুখে আসিয়া শব্দ করিয়া থামিয়া গেল। গাড়ীর আরোহী বোড়শ বর্ষীয়া একটা বাঙালী যুবতী। রূপ তাহার যাহাই হউক না কেন, পোষাকের পারিপাট্য ও ধরণ ধারণের প্রভাবে তাহাকে বেশ সুন্দরী বলিয়াই মনে হয়। চোখে তাহার পিনস্ নেজ্ চশমা, হাতে ব্যাগ, একথানা সংবাদপত্র লইয়া সে পড়িতেছিল। গাড়ী থামিতেই সে মুখ তুলিয়া সোফারকে কারণ জিজ্ঞাসা করিল। সোফার নামিল, ইতস্ততঃ পর্যবেক্ষণ করিয়া দেখিল পেট্রোল ফুরাইয়া গিয়াছে। সর্বনাশ! এখন উপায়! মেয়েটি একটু ভড়্কাইয়া গিয়াছিল, কিন্তু সে মুহূর্তের জন্ত। পরমুহূর্তে সে সোফারকে তাহার জন্ত একথানা ভাড়া গাড়ী আনিতে লক্ষ্য দিল। সোফার গাড়ীর খোঁজে চলিয়া গেল, যুবতী একাকী মোটরে বসিয়া রহিল। স্থানটি নির্জন, এমন স্থানে যুবতীর, বিশেষতঃ সুন্দরীর, একাকী বসিয়া থাকা তত নিরাপদ নহে; কিন্তু উপায় নাই, গাড়ী না ডাকিলে তাহাকে এই অবস্থায়ই

পড়িয়া থাকিতে হয়। সূতরাং সাহসের উপর একান্ত নির্ভর করিয়া সে মোটরে বসিয়া রহিল।

সোফার অনেকক্ষণ যাবৎ চলিয়া গিয়াছে, এখনও ফিরিয়া আসিতেছে না দেখিয়া যুবতী বাস্তব হইয়া উঠিল। এমন সময় দুইজন মাতাল গোরা সেখান দিয়া টলিতে টলিতে যাইতেছিল। যুবতীকে গাড়ীতে একাকী দেখিয়া ইহাদের দুঃস্বভাব জাগিয়া উঠিল, ইহারা তাহাকে আক্রমণ করিলে উত্তত হইল। কুশল এতক্ষণ দূর হইতে সমস্ত দেখিতেছিল। সে আর দাঁড়াইয়া থাকিতে পারিল না,— দুই লাফে সেখানে উপস্থিত হইয়া, গোরাদের উপর বিপুল বেগে ঘুসি বর্ষণ করিতে লাগিল। শারীরিক শক্তির সঙ্গতি কুশলের খুবই ছিল,—ঘুসি খেলিতে সে ভাল রকমই শিখিয়াছিল। কাজেই তাহাদের সম্মুখে ইহারা বেশীক্ষণ দাঁড়াইতে পারিল না,—বিশেষতঃ ইহারা তখন তেমন স্বাভাবিক অবস্থায় ছিল না। কুশল তাহাদের প্রায় কাবু করিয়া ফেলিয়াছে, এমন সময় সোফার গাড়ী লইয়া সেখানে উপস্থিত। তখন সোফার ও কুশল উভয়ে মিলিয়া উত্তম মধ্যম দিয়া গোরাদের বিদায় করিয়া দিল। গোরারা পলাইলে, সোফার কুশলকে তাহাদের আন্তরিক ধন্যবাদ জ্ঞাপন করিয়া তাহার পরিচয় জিজ্ঞাসা করিল। কুশল বলিল, সে একজন মুসাফির, আজ মাত্র

এখানে আসিয়াছে । সোফার তাহাদের পরিচয় দিল । এখানকার বিখ্যাত ব্যারিষ্টার মিঃ ব্যানার্জির বাড়ী সে কাছ করে,—যুবতী তাঁহারই একমাত্র কন্যা । সোফার কুশলকে তাহাদের সঙ্গে বাড়ী আসিতে অনুরোধ করিল,—সাহেব নিজের তাহাকে ধন্যবাদ না দিলে নিশ্চিত হইতে পারিবেন না । তিনি যদি শোনেন যে এমন উপকারী ব্যক্তির সঙ্গে তাঁহার পরিচয় করাইয়া দেওয়া হইল না, তবে নিশ্চয়ই তিনি মনে মনে বড় দুঃখিত হইবেন, এবং তাহাকে তাঁহার কাছে লইয়া না যাওয়ার জন্য তাহার উপর রাগ করিবেন ।

কুশল মূঢ় আপত্তি তুলিল, কিন্তু মিস্ ব্যানার্জি যখন তাহার দিকে ফিরিয়া বলিল, “আপনাকে আস্ তই হবে”, তখন আর সে কোন আপত্তি করিতে পারিল না । এ যেন কোন অকাটা আজ্ঞা. ইহা মাথায় তুলিয়া লওয়া ভিন্ন গত্যন্তর নাই । দ্বিকল্পি না করিয়া সে গাড়ীতে উঠিয়া বসিল ।

মিষ্টার ও মিসেস্ ব্যানার্জি কুশলকে বিশেষ সমাদরের সহিত অভ্যর্থনা করিলেন। কন্যা মৈত্রেয়ীর মুখে সমস্ত গুনিয়া মিঃ ব্যানার্জি কুশলকে অন্তরের কৃতজ্ঞতা জ্ঞাপন করিতে লাগিলেন। সে আজ এই পরিবারের যে উপকার করিয়াছে তাহার পরিবর্তে দিবার কিছুই নাই। কৃতজ্ঞতা তাঁহাদের বুক ছাপাইয়া উঠিয়াছে, ভাষার শক্তি নাই তাহা কাশ করে। আজ সে-ই তাঁহাদের পরিবারের মান, সুখ, সর্বোপরি তাঁহাদের প্রাণাধিক কন্যার মর্যাদা রক্ষা করিয়াছে। ঈশ্বর প্রেরিত হইয়া সে আজ তাঁহা-দিগকে এ দৈব দুর্ভিক্ষের হাত হইতে উদ্ধার করিয়াছে,— তাহাকে দিবার উপযুক্ত ত কিছুই নাই।

তাঁহাদের সহিত কিছুক্ষণ আলাপ করিয়া কুশল পরিতৃপ্ত হইল, এবং তাঁহাদের আন্তরিকতায় মুগ্ধ হইয়া পড়িল। কিছুক্ষণ পরে কুশল উঠিয়া বিদায় লইতে গেলে, মিষ্টার ব্যানার্জি বলিয়া উঠিলেন “সে কি কথা, তুমি আজ অপর কোথায় যাবে! একে ত এদেশে বাঙ্গালী পাওয়াই ভার,—কাউকে পেলে আর

ছাড়তে ইচ্ছা করে না। তা ছাড়া, তুমি ত শুধু স্বদেশবাসী নও,—তুমি যে আমাদের পরম আত্মীয়। আত্মীয়েরাও বোধ হয় এত উপকার করতে পারে না। আজ এক দিনে আমরা তোমার সঙ্গে যে হৃদয়ের সম্পর্কে জড়িয়ে পড়েছি, এ সম্বন্ধ ছিন্ন করবার শক্তি আমাদের ত নাই-ই,—তোমারও বোধ হয় নাই।”

কুশল তাঁহাদের অনুরোধ এড়াইতে পারিল না,—সে রাত্রিতে সে ব্যানার্জির ভবনেই থাকিয়া গেল। পরদিনও তাহার সরাইয়ে যাওয়া হইল না,—মিস্‌স্‌ ব্যানার্জি তাহাকে বিশেষ ভাবে ধরিয়া বসিয়াছেন। এমনি ভাবে দু’ তিন দিন কাটিয়া গেলে, কুশল সরাইয়ে যাইতে চাহিল,—সরাই-ওয়ালারা হয় ত মনে করিয়াছে যে, সে মরিয়া গিয়াছে। মিষ্টার ব্যানার্জি বলিলেন “আর সরাইয়ে গিয়ে কি হবে? যে কয় দিন আছে, এখানেই থেকে যাও। মোটর নিয়ে বরঞ্চ সরাই থেকে তোমার জনিষপত্র নিয়ে এস।”

কুশল ওজর আপত্তি তুলিল, কিন্তু কিছুতেই কিছু হইল না,—মিষ্টার ব্যানার্জি ছাড়িবার পাত্র নহেন। বিশেষতঃ, যখন মৈত্রেয়ী তাহার দিকে তাহার বিশাল দুই চক্ষু স্থাপন করিয়া পরম আগ্রহের সহিত বলিল, “আপত্তি না থাকলে এখানে থেকে যান না কেন?” তখন আর তাহার

কোন আপত্তি টিকিল না, সরাইয়ে যাইয়া সে সমস্ত জিনিষ লইয়া আসিল।

কুশল ব্যানার্জির বাড়ীতে পরম আদরে রহিয়া গেল। মিষ্টার ব্যানার্জি তাহার সকল পরিচয় লইয়াছিলেন। কুশল সমস্ত কথা তাহার কাছে খুলিয়া বলিয়াছিল; কেবল গীতারই কোন কথা সে উত্থাপন করে নাই। নিজের দুর্বস্থা দেখিয়া, উপার্জনের কোন উপায় নাই দেখিয়া, সে বাহির হইয়া পড়িয়াছে—বিদেশে যদি কোন উপায় হয়। দৈহিক শ্রম কবিত্তে সে পিছপাও নয়,—কুলীগিরি করিতেও সে প্রস্তুত আছে। স্বদেশে এ সব করা তাহার চলিবে না; তাই সে দেশ ছাড়িয়া পলাইয়া আসিয়াছে। মিষ্টার ব্যানার্জি যত হাসিলেন; বলিলেন “তোমার এই সবে যৌবনের প্রারম্ভ,—এখনই জীবনের এমন একটা pessimistic view নিলে চলবে কেন।”

মৈত্রেয়ী ও কুশলের মধ্যে বিশেষ ঘনিষ্ঠতা জন্মিয়া উঠিতেছিল। তাহারা দুইজনে মিলিয়া অনেক সময় বাগানে বেড়াইত, ফুল তুলিয়া তোড়া বানাইত, বাগান সম্বন্ধে নানা রকম আলোচনা করিত। মিষ্টার ও মিসেস ব্যানার্জি দূর হইতে তাহাদিগকে দেখিতেন,—কিসের একটা আনন্দের বার্তা তাহাদের মন জুড়িয়া বসিত। একটা

ইচ্ছা প্রথম দিন হইতেই মিষ্টার ব্যানার্জির মনের কোণে উঁকি মারিতেছিল ; দিন দিন তাহাদের দেখিয়া এ ইচ্ছাটা ঠাঁহার মনের ভিতর দৃঢ় ভাবে শিকড় গাড়িয়া বসিয়াছিল ।

এক দিন মিষ্টার ব্যানার্জি কুশলকে ডাকিয়া বলিলেন “কুশল, তোমার আর বোধ হয় চুপ করে বনে থাকা উচিত হবে না ।”

কুশল—“আমারও তাই মত । আমাকে যদি দয়া করে কোন একটা চাকরী যোগাড় করে দিতে পারেন, তবে আজীবন কৃতজ্ঞ হয়ে থাকব ।”

মিঃ ব্যানার্জি হাসিলেন ; বলিলেন “আমি তা বলতে চাই না । তোমার আবার পড়াশুনা আরম্ভ করতে হবে ।”

“পড়াশুনা করবার শক্তি ও সামর্থ্য আমার নাই, তা ত আপনার অজ্ঞাত নয় ।”

“না, তুমি বিলাত যাও । সেখানে কেব্বিজে পড় ও সিবিল সার্বিসের জন্ম চেষ্টা কর ।”

কুশল অবাক,—ইনি বলেন কি ! পরিহাস করিতেছেন না ত ?

মিঃ ব্যানার্জি বলিলেন, “আমি সমস্ত ঠিক করে ফেলেছি । তোমার জন্ম কেব্বিজে সিট যোগাড় করা হয়েছে,

পাস্পোর্ট ও প্যাসেজ্ সবেসই আমি বন্দোবস্ত করেছি। এখন তোমার প্রস্তুত হওয়াই বাকী ”

কুশল এতক্ষণে সমস্ত বুঝিল। কৃতজ্ঞতায় তাহার অন্তর ভরিয়া উঠিল। কিন্তু এ দান গ্রহণ করিতে তাহার মন বিদ্রোহী হইয়া উঠিতেছিল। সে বলিল “কিন্তু আপনার দান—”

মার পথে বাধা দিয়া মিঃ ব্যানার্জি বলিলেন, “না, ওকথা বলে আমাকে লজ্জা দিও না। তুমি আমাদের যে উপকার করেছ, আমাদের সর্বস্ব তোমাকে দিলেও তার উপযুক্ত প্রতিদান হয় না। আর আমি তোমাকে সামান্য অর্থ দিয়ে তোমার মহত্বের অবমাননা করতে চাই না। ফুল ফোটাবার অধিকার সকলেরই আছে। জলাভাবে যদি ফুল নষ্ট হয়ে যায়, তবে যে কেউ এসে তাতে জল দিয়ে তাকে তাজা করে তুলতে পারে। আমিও তাই চাই। তোমার মত যুবক যে সংসারের প্রথম ঝাপ্টাতে নিরাশ হয়ে পড়বে, তা আমি দেখতে পারব না। তোমাকে মানুষ করে তুলতে আমি সামান্য সাহায্য করতে চাই। এ আমার পরম তৃপ্তি। আশা করি, তুমি আমার এ সুখে বাধা প্রদান করবে না। আর তা ছাড়া, আর্থিক সাহায্য আমার কাছ থেকে নিতে যদি তোমার প্রধান আপত্তি

হয়ে থাকে, তবে বেশ, মানুষ হয়ে ফিরে এসে তুমি আমার সমস্ত টাকা সুদ সমেত ফিরিয়ে দিও।”

এ কথার উপর আর কথা চলে না। কুশল তাঁহার প্রস্তাবে সন্মত হইল। সমস্ত ঠেলিয়া আজ তাহার বুক ছাপাইয়া উঠিতেছিল মিঃ ব্যানার্জির পিতাঃ অধিক ভালবাসার পরিবর্তে তাহার আন্তরিক কৃতজ্ঞতা।

১২

কুশলের বিলাত যাইবার দিন ব্যানার্জির পরিবারের সকলেই আসন্ন বিচ্ছেদ আশঙ্কায় দমিয়া গিয়াছিল,—খুগপৎ সুখ ও দুঃখ তাঁহাদের মন অধিকার করিয়া বসিয়াছিল। এত দিন তাহার সঙ্গে বেশ আশ্রয় আশ্রয় আশ্রয় দিন কাটান গিয়াছে। আজ সে তাঁহাদের ছাড়িয়া বিদেশে যাইতেছে,— আবার কবে দেখা হইবে, কে জানে? ব্যথায় তাঁহাদের হৃদয় কাঁদিয়া উঠিল। অন্তরিক, সে নিজের উন্নতির জগৎ বিদেশে যাইতেছে, এক দিন ফিরিয়া আসিয়া পূর্ণ গৌরবে সে তাহার জীবন আরম্ভ করিবে,—এ চিন্তায় তাঁহাদের মন সুখে উৎফুল্ল হইয়া উঠিল। কুশল আত্মীয় হিসাবে তাঁহাদের পারিবারিক বন্ধু মাত্র, কিন্তু পরম আত্মীয় হইতেও আপন।

আজ সে চলিয়া যাইতেছে,—সবারই মনে হইতেছে যেন বাড়ীর ছেলে ঘর ছয়ার খালি করিয়া যাইতেছে।

সকলে ষ্টেশনে আসিয়া কুশলকে ট্রেনে তুলিয়া দিলেন। গাড়ী ছাড়িয়া দিল। যতক্ষণ দৃষ্টি যায় ততক্ষণ মৈত্রেয়ী কুশলের দানে একদৃষ্টে তাকাইয়া রহিল,—বারেকের তরেও সে বিশাল চোখ দুটির পলক পড়িল না। কুশল দেখিল, তাহার গণ্ড বাহিয়া দুই ফোঁটা অশ্রু ঝরিয়া পড়িতেছে। তাহার দৃষ্টিভরা শুভেচ্ছা যেন চোঁচাইয়া বলিতেছে,—সফল হও, সুখী হও, পূর্ণ গৌরবে আবার ফিরিয়া এস। সে দৃষ্টি কুশলের অন্তর আলোড়িত করিয়া দিল। সে দৃষ্টির মাঝে কি একমাত্র শুভেচ্ছাই জড়ান ছিল? এর বেশী কি আর কিছুই তার মাঝে ধরা পড়ে নাই? কুশলের হৃদয়ের মাঝেও কি সে দৃষ্টি আর কোন রকম তরঙ্গ তুলে নাই? তখনও গীতা কুশলের হৃদয়ের সমস্তটা জুড়িয়া বসিয়াছিল, তাহার মাঝে মৈত্রেয়ীর আবির্ভাব তাহার অন্তরের ভিতর মস্ত বড় একটা সমস্তার সৃষ্টি করিয়া দিল।

এডেন হইতে কুশল পিতা, মাতা, ও মিষ্টার ও মিসেস্ ব্যানার্জির কাছে পত্র দিল। মৈত্রেয়ীর নামে সে একখানা চিঠি লিখিয়াছিল। তাহা লিখিতে তাহাকে বিশেষ বেগ পাইতে হইয়াছিল। কি বলিয়া তাহাকে সম্বোধন করিবে.

তাহা লইয়াই প্রথম গোল বাধিল। অনেক চিন্তা করিয়া শেষে মৈত্রেয়ী বলিয়া সম্বোধন করাই ঠিক হইল। লিখিতে বসিয়া দেখা গেল, মহা ঝগড়াট ; কি লিখিবে তাহা সে ভাবিয়া উঠিতে পারিল না। অবশেষে সে ষ্টীমার সমুদ্র ইত্যাদির কথায় চিঠি ভরিল। কিন্তু পরিশেষে চিঠি পাঠান হইল না.—লজ্জা আসিয়া তাহার পথরোধ করিয়া বসিল, সে চিঠিখানা খণ্ড খণ্ড করিয়া ছিঁড়িয়া ফেলিল।

বিলাত পৌঁছবার কিছু দিন পরেই কুশল মিষ্টার ব্যানার্জির পত্র পাইল। তিনি তাঁহার আন্তরিক শুভেচ্ছা জ্ঞাপন করিয়া তাহাকে গুটিকতক পরামর্শ ও উপদেশ দিয়াছেন। তাঁহার চিঠির শেষভাগে লেখা ছিল, “মৈত্রেয়ীকে তুমি কোন চিঠি দেও নাই, সে তাতে দুঃখিত হয়েছে। আশা করি, তুমি তাকে চিঠি দিবে।”

সত্যিই ত ! তাহার এটা ভয়ানক অগ্রায় হইয়াছে। লজ্জার বাঁধন কাটাঁইয়া সেই চিঠিই পাঠান তাহার উচিত ছিল। কুশল তখনি তাহাকে চিঠি লিখিতে বসিল। প্রথম পৃষ্ঠা তাহার চিঠি না দেওয়ার জগ্ন কমা ভিক্ষা করিতেই ভরিয়া গেল। তার পর কি লিখিবে তাই লইয়া আবার গোল বাধিল। রাস্তার খবর, লগুনে আসিয়া সে যাহা যাহা দেখিয়াছে সে সমস্তের বর্ণনা, এলাহাবাদের পুরানো

কতকগুলি কথা স্মরণ উভাদি নানা কথায় সে তাহার চিঠি ভরিয়া দিল। তাহার চিঠি বেশ দীর্ঘ হইল। পাঁচ ছয় পৃষ্ঠা জোড়া চিঠি লিখিয়া সে তখনই মৈত্র্যেয়ীকে পাঠাইয়া দিল।

গীতাকেও সে একখানা চিঠি লিখিয়াছিল; কিন্তু অনেক ভাবিয়া চিন্তিয়া সে চিঠি পাঠান হইল না। যাহাই হউক না কেন, লোক-ক্ষেপে সে এখন নিম্ন্যালয়ের স্ত্রী, নিম্ন্যালয়ের অনুমতি ভিন্ন তাহার সহিত মেলামেশা করা বা চিঠি লেখায় তাহার প্রায়তঃ কোন অধিকার নাই; বিশেষতঃ, তাহাদের মধ্যে যখন একটা স্তম্ভ সঞ্চার আছে।

কিছু দিন পরেই সে কেম্ব্রিজ চলিয়া গেল। সেখানে যাইয়া সে পিতা মাতার পত্র পাইল। তাহারা অনেক কাঁদিয়া কাঁটিয়া চিঠি দিয়াছেন। সে চলিয়া যাওয়ার পর তাহারা জীবন্মৃত হইয়া রহিয়াছেন.—সে-ই যে তাহাদের একমাত্র সম্বল। যাক্ সে যখন আশ্চর্য্য উপায়ে বিলাতে গিয়া পড়িয়াছে, তখন আর সে সম্বন্ধে আনন্দ ছাড়া কিছুই করিবার নাই। সে যেন তাড়াতাড়ি পিতা মাতার কোলে ফিরিয়া আসে। তাহারা চিরদিন তাহারই প্রতীক্ষায় বসিয়া থাকিবেন। বেশী পড়াশুনা নাই বা হইল, তবুও সে যেন দূরদেশে বেশী দিন না থাকে,—যত শীঘ্র সম্ভব দেশে

ফিরিয়া আসে। আর বিদেশীদের সহিত সে যেন বেশী মেলামেশা না করে,—বাঙ্গালীর ছেলের তাদের সঙ্গে বেশী না মেসাই উচিত।

পিতার চিঠি পাইয়া কুশল হাসিল,—তাঁহারা তাহাকে এতদূর অপদার্থ মনে করেন! মিষ্টার ব্যানার্জির অন্ততঃ তাহার চরিত্র সম্বন্ধে ইহা হইতে উচ্চ ধারণা আছে। স্নেহ-প্রবণ পিতা মাতার হৃদয়ে বোধ হয় চিরদিনই পুত্রের আত্ম-নির্ভরতা ও চরিত্র বলের সম্বন্ধে একটা দুর্বলতা থাকে।

কয়েকদিন পরে মেয়েলি হাতের লেখা একখানা চিঠি কুশলের নামে আসিল। চিঠি পাওয়া মাত্র তাহার মন চঞ্চল হইয়া উঠিল। তাহার বুদ্ধিতে বাকী রহিল না, এ কাহার পত্র। সে নিজের মনকে প্রিজ্ঞাসা করিল, কেন আজ একজনের চিঠি পাইয়া তাহার মনে এমন ভাবের আবেশ হইল। বন্ধুর চিঠি পাইলে কি বন্ধুর এমন ভাব হইয়া থাকে? মৈত্রেয়ী কি তাহার বন্ধু মাত্র? বন্ধু ছাড়া কি আর কোন সম্পর্কই তাহার সহিত সংস্থাপিত হয় নাই? তাও কি সম্ভব? কুশল যে মনে মনে কল্পনা করিয়া রাখিয়াছিল যে, গীতা ছাড়া আর কোন স্ত্রীলোককে যে ভালবাসিবে না!

একনিশ্বাসে সে মৈত্রেয়ীর চিঠিখানা পড়িয়া ফেলিল।

চিঠিখানার প্রতি ছত্রে যেন একটা অননুভূতপূর্ব ভাবের সমাবেশ আছে : একবার পড়িয়া তাহার তৃষা মিটিল না,—সে বার বার চিঠিখানা পড়িতে লাগিল । যতবারই পড়িল, ততবারই তাহার ভিতর হইতে নব নব সৌন্দর্য্য বিকশিত হইতে লাগিল । অজ্ঞানিত ভাবে হঠাৎ এক সময়ে কুশল চিঠিখানা তাহার মুখের কাছে লইয়া তাহা চুম্বন করিয়া বসিল ।

১৩

সেদিন গীতা বাপের বাড়ী হইতে শুনিয়া আসিয়াছিল, কুশল আই-সি-এম্ পাশ করিয়াছে ও বাঙ্গলা দেশে চাকরী পাইয়াছে । এক বৎসর শিক্ষার পরে সে দেশে ফিরিবে,— এখনও তাহার কয়েকটা সামান্য পরীক্ষা বাকী আছে । কুশল যে কি উপায়ে বিলাত গিয়াছিল, তাহা গীতা অনেক দিন পূর্বেই শুনিয়াছিল । মিঃ ব্যানার্জির কথা সে জানিয়াছিল, কেবল জানিতে পারে নাই মৈত্রেয়ীর কথা । গীতা চিরদিনই আশা করিয়া আসিয়াছে যে, কুশল যে কোন স্থানে থাকুক না কেন, সে তাহাকে পত্র না দিয়া পারিবে না । প্রতিদিনই গীতা কুশলের পত্রের আশা করিত ।

বিলাতী ডাক আসিবার দিন সে উন্মুখ হইয়া থাকিত, বোধ হয় আজ কুশলের চিঠি আসিবে . কিন্তু কুশলের চিঠি আসিল না । গীতা তাহাকে চিঠি দিবে মনে করিয়াছিল ; কিন্তু অভিমান আসিয়া তাহাকে বাধা দিল । কুশল যদি তাহাকে চিঠি না দিয়া থাকিতে পারিল, তবে তাহারই বা এমন কি বিশেষ গরজ পাড়িয়াছে যে, গায়ে পড়িয়া তাহাকে চিঠি দিতে হইবে রাগে গীতা কুশলকে কোন চিঠি দিল না ।

সেদিন গীতার পিতা কুশলের কথা তুলিয়া বলিলেন, “আমি চিরকালই জান্তাম, কুশল ছোঁড়াটা চমৎকার । সে যে এক দিন একটা মস্ত বড় লোক হইবে, তাতে আমার বিন্দুমাত্র সন্দেহ ছিল না । গীতার সঙ্গে উহার মেলামেশা দেখে, আমি ঙুর হাতেই গীতাকে দিব মনে করেছিলাম । কিন্তু নির্যাত্যও ত কম কিছুই নয় । সে যখন উপযাচক হয়ে গীতাকে প্রার্থনা করল, তখন পিতা হয়ে ত আমি কত্কার এত বড় সুখের সুযোগটা ছেড়ে দিতে পারি না ।”

গীতা পিতার কথা শুনিল । মনে মনে সে না হাসিয়া থাকিতে পারিল না । তবে পিতার এর মধ্যেই আপ-শোষ আরম্ভ হইয়াছে । মনের আপ-শোষ মুখের কথায় ঢাকিতে তিনি যতই চেষ্টা করুন না কেন, প্রতি পদে

তাহা বাহির হইয়া পড়িতেছে। পিতার প্রতি গীতার ঘৃণা জন্মিল। অনায়াসে এত বড় একটা মিথ্যা কথা তিনি বলিয়া ফেলিলেন! কুশলকে নিঃস্ব জানিয়া তিনি তাহাকে অবহেলা ও ঘৃণা করিতে ক্রটি করেন নাই। আজ সে বড় চাকরী পাইয়াছে জানিয়া তিনি অযলীলাক্রমে বলিয়া বসিলেন যে, তাহার হাতেই কণ্ঠা দিবেন বলিয়া তিনি কল্পনা করিয়াছিলেন।

বাসায় ফিরিয়া আজ গীতা কেবল কুশলের সম্মানের কথাই ভাবিতেছিল। এতদিনের অদর্শনে কুশলের কথা তাহার হৃদয়ের ভিতর কতকটা চাপা পড়িয়াছিল; কিন্তু আজ তাহার পূর্ণ গৌরবে আশু হৃদয়ে আগমনের সংবাদে তাহার হৃদয় চঞ্চল হইয়া উঠিল। কুশলের কথা ভাবিতে তাহার মন অভি-
 মান্বে ভরিয়া উঠিল। এমন একটা কথাও তাহার অন্তরে মুখে শুনিতে হইল! কুশল এক লাইন লিখিয়াও তাহাকে এ শুভ সংবাদটা দিতে পারিল না? কুশলের দৃষ্টিতে সে সমস্ত ছাড়িয়া বসিয়া আছে,—স্বামীকে সে একদিনের জন্তও স্নেহের চক্ষে দেখিয়া উঠিতে পারে নাই। পৃথিবীর সমস্ত আশা, ভরসা, সুখ, সম্পদ, সে কাহার জন্য পরিত্যাগ করিয়া বসিয়া আছে?—একমাত্র কুশলের জন্যই। আর সে? তাহার স্মৃতিপট হইতে হয় ত গীতার ছবি চির-

দিনের তরে মুছিয়া গিয়াছে,—হয় ত সে বিদেশী যুবতীর
 প্রেমে মাতোয়ারা হইয়া আছে,—হয় ত গীতার স্মৃতি আজ
 কাল তাহার হাশু উদ্রেক করে মাত্র !

বাহিরের ঘরে বসিয়া গীতা এসব চিন্তায় ডুবিয়াছিল,
 এমন সময় সুনীল আসিয়া উপস্থিত হইল। সুনীলের
 আগমনে গীতার চিন্তাস্রোতে বাধা পড়িল। সুনীল
 আসিয়াই বলিয়া উঠিল,—“সে কি বৌদি. একা একা গুম্
 মেরে বড় যে এখানে বসে আছে, ব্যাপারখানা কি ?”

গীতা মুদ্র হাসিল। সে হাসির মধ্যে কোন আবেগ ছিল
 না। সুনীলের চোখে তাহা পড়িল। সে বুঝিতে পারিল না,
 কি বিশেষ বেদনায় গীতা আজ আক্লিষ্ট হইয়া পড়িয়াছে।
 অনেক দিন হইতেই সে লক্ষ্য করিয়া আসিয়াছে যে, কি যেন
 একটা গোপন ব্যথা গীতার মন জুড়িয়া বসিয়া আছে,
 গীতা যেন বলি বলি করিয়া সে কথা তাহার কাছে বলিতে
 পারে নাই। সে কথা শুনিতে তাহার চিরদিনই কৌতূহল
 হইয়াছে ; কিন্তু কোনদিন সে কৌতূহল সে মুখে প্রকাশ করে
 নাই। সে লক্ষ্য করিয়া আসিয়াছে যে, চিরদিনই গীতা তাহার
 কাছে একটা আত্মসমর্পণের ভাব লইয়া অগ্রসর হয়,—সে যেন
 তাহার পরম প্রীতিপদ আশ্রয়। এতটা নির্ভরতা তাহার
 উপর যাহার, সে যে এক দিন স্বতঃ প্রবৃত্ত হইয়া তাহার

মনের দুঃখ তাহার কাছে খুলিয়া বলিবে, সে বিষয়ে বিন্দুমাত্র সন্দেহ তাহার মনে ছিল না। গীতার মনের ভিতর যে এত বড় একটা খাদ থাকিতে পারে, এ কথা সুশীল বলনাও করিতে পারে নাই।

গীতাকে সেদিন এ অবস্থায় দেখি। সুশীল বুঝিল যে, তাহার জমানো দুঃখ আজ তাকে বিশেষভাবে পীড়ন করিতেছে। দুঃখ হইতে মনটাকে অন্য দিকে আকর্ষণ করিতে পারিলে হয় ত গীতার চিত্ত কতকটা শান্ত হইতে পারিবে, এই আশায় সুশীল বায়স্কোপে যাইবার জন্য গীতাকে অনুরোধ করিল। সে বলিল “আজ Picture House এ Daughter of the goddess film আছে, চল দেখে আসি।”

গীতা তখনই সম্মত হইল ও মোটর তৈয়ারি করিতে বলিল। খবর আসিল, বাবু মোটর লইয়া কোথায় কাজে বাহির হইয়া গিয়াছেন। বাধ্য হইয়া তাহাদের ট্যাক্সিতে বায়স্কোপে যাইতে হইল।

বায়স্কোপ দেখিয়া বাহির হইয়া তাহারা একখানা ফিটন ভাড়া করিল ও বাড়ীর দিকে না যাইয়া ইডেন গার্ডেনের দিকে গাড়ী চালাইতে ছকুম দিল। গাড়ী গার্ডেনে থামিল তাহারা নামিয়া পড়িল ও ঝিলের ধারে একখানা বেঞ্চিতে গিয়া বসিল। সেদিন পূর্ণিমা, জ্যোৎস্নায় চারিদিক হাসিতেছিল।

বসিয়া বসিয়া তাহারা চারিধাবের সেই শোভা দেখিতে লাগিল। জল টলমল করিতেছিল; পূর্ণচন্দ্রের ছায়া জলের ভিতর বক্ বক্ করিয়া উঠিতেছিল; চারিধারের গাছপালা তাঁদের আলোয় চিক্ চিক্ করিতেছিল। দূর হ'তে হাসনাহানান গরু ভাসিয়া আসিয়া চারিধার আমোদিত করিয়া দিতেছিল। ইহার ভিতর তাহারা বসিয়া রহিল,—কাহারও মুখে কথা নাই। কি যেন একটা কথা তাহাদের উভয়ের বুক ঠেলিয়া বাহির হইতে চেষ্টা করিতেছে, ভায়ার শক্তি নাই যে তাহার মূর্তি দান করে। অনেকক্ষণ পরে সুশীল আরম্ভ করিল, “একটা কথা স্মিজেস করতে অনেক দিন হতেই আমার প্রাণ ব্যাকুল হয়ে আছে। আমি বুঝতে পেরেছি, তোমার হৃদয় মাঝে মস্ত বড় একটা কথা চাপা রয়েছে, যা তুমি একমাত্র তোমারই করে রাখতে চাও, -সাবধানে তুমি আর সবাইকে তা থেকে দূরে ঠেলে রাখতে চাও। কি তোমার সে ব্যথা, আমাকে তা বলতে কি তোমার আপত্তি আছে?”

গীতা কাঁদিয়া ফেলিল। সুশীল ধীরে ধীরে তাহার হাতখানি নিজের হাতের মাঝে টানিয়া লইল। গীতার গণ্ড বাহিয়া মুক্তার ন্যায় অশ্রুবিন্দু ঝড়িয়া পড়িতে লাগিল। তাঁদের আলোতে তাহাকে বড় সুন্দর দেখাইতেছিল। সুশীল ক্রমাল দিয়া তাহার অশ্রু মুছাইয়া দিয়া বলিল “গীতা!”

এই প্রথম সে তাহার নাম ধরিয়া ডাকিল। “আমি বুঝেছি যে, তোমার ও নির্ম্মাল্যের সম্পর্কটা তেমন সুখের হয় নাই। তুমি নির্ম্মাল্যকে ভালবাসতে পার নাই। তোমার ভালবাসাটা বোধ হয় আর কোন লোকের উপর গিয়ে পৌঁছেছে।” গীতা কোন কথা বলিতে পারিল না,— সে কেবল কাঁদিতে লাগিল। সুশীল গীতাকে ভুল বুঝিল। সে বলিল “গীতা, এতদিন জ্বাৰ করে মনে চেপে রেখেছি ; কিন্তু আজ না বলে থাকতে পারছি না : আমার মনে অনেক দিন থেকেই সন্দেহ জন্মেছে যে, যে নিঃস্ব সেবক তোমার চরণে সমস্ত সমর্পণ করে বসে আছে, তোমার করুণা বোধ হয় তাতেই গিয়ে পৌঁছেছে।” গীতা চমকাইয়া উঠিল,— সুশীল বলে কি ? হাত ছাড়াইয়া সে দাঁড়াইয়া উঠিল। সুশীল অপ্রস্তুত হইল। সে বুঝিল, সে ভুল করিয়াছে। গীতাকে লক্ষ্য করিয়া সে বলিতে লাগিল, “না বুঝে যদি অগ্নায় করে থাকি, তবে তা ক্ষমা করো।”

“অগ্নায় যদি কারো হয়ে থাকে, তবে সে আমার। তবে আপনার মস্ত বড় ভুল হয়েছে,—আমি স্বামীর বাড়ীতে বসে স্বামীর বন্ধুর প্রেমে উন্মত্ত হই নাই।” বলিয়াই দৃঢ় পদক্ষেপে গীতা সে স্থান পরিত্যাগ করিল।

বাগান হইতে বাহির হইয়াই একখানা ট্যাক্সি ডাকিয়া

বাসা অভিমুখে যাইতে বলিয়া সে গাড়ীর ভিতর অসাড় হইয়া পড়িয়া রহিল, তাহার আজ কিছু ভাবিতেও ইচ্ছা যাইতেছিল না। আজ সুশীল তাহাকে এমনিভাবে অপমান করিল! সুশীলেরই বা দোষ কি! সে এতদিন যে আচরণ করিয়া আসিয়াছে, তাহাতে ওরূপ কথা মনে করা ত কিছুই আশ্চর্য্য নয়। সুশীল মানুষ, সে মানুষের মতই ভাবিয়াছে। এজন্য যদি কেহ দোষী হইয়া থাকে, তবে সে নিজে,—সে ছাড়া আর কাহাকেও ত এর জন্য দায়ী করা যায় না। চিরদিন সে ভাবিয়া আসিয়াছে যে, বিবাহের পরে নির্ম্মালা তাহাকে অপমান করিবে। কিন্তু নির্ম্মালা ত বস্তুতঃ একদিনের তরেও তাহাকে অপমান করে নাই। সে নিজেই নিজের অপমানের মূল হইয়াছে।

বাসায় আসিয়াই সে যাহা শুনিল, তাহাতে তাহার মাথা ঘুরিয়া উঠিল,—পড়িতে পড়িতে সে সামলাইয়া গেল। নির্ম্মালোর মোটর একটা লীর সঙ্গে ধাক্কা খাইয়া ভাঙ্গিয়া গিয়াছে। নির্ম্মালা ভয়ানক জখম হইয়াছে। তাহাকে মেডিক্যাল কলেজে লইয়া যাওয়া হইয়াছে,—জীবনের আশা বড় নাই। দ্বিতীয় কথা চিন্তা করিবার আগেই সে আবার ট্যাক্সিতে উঠিয়া বসিল ও সোফারকে মেডিক্যাল কলেজে যাইতে আদেশ করিল।

গীতার সমস্ত গুলোট পালোট হইয়া গেল। এই কি সেই গীতা, যে এত দিন মনে-প্রাণে নিৰ্ম্মাল্যের সঙ্গে সকল সম্পর্ক অস্বীকার করিয়া আসিয়াছে? এই কি সেই গীতা, যে এক দিন সদন্তে স্থির সঙ্কল্প করিয়াছিল যে, নিৰ্ম্মাল্যের সুখে দুঃখে তাহাকে বিন্দুমাত্র বিচলিত করিতে পারিবে না? সে যখন তাহার কেহ নয়, তখন তাহার সুখ কিংবা দুঃখে তাহার কি যায় আসে! কৈ, সে গীতাকে ত্র এর মধ্যে দেখা যায় না,—যে নিৰ্ম্মাল্যের প্রত্যেক ব্যবহারের কু-অর্থ বাহির করিতে লাগিয়া য ইত,—তাহার কোন দিকটাই তাহার কাছে সরল স্বাভাবিক বলিয়া মনে হইত না! সত্যি যদি নিৰ্ম্মাল্যের সঙ্গে তাহার কোন সম্বন্ধ সংস্থাপিত নাই হইয়া থাকে, তবে এ সংবাদে পাগলের মত সে তাহার কাছে ছুটিয়া গেল কেন? পৃথিবীতে এমন ব্যাপার ত প্রতি দিন কত হইতেছে। কই, তাহা শুনিয়া ত তাহার কোন দিনই এমনিভাবে মাথা ঘুরিয়া পড়িয়া যাইবার উপক্রম হয় নাই!

গীতা প্রথম হইতেই ভুল করিয়া আসিয়াছে। নিৰ্ম্মাল্য

যে বিবাহ করার পর হঠাৎই তাহাকে অবহেলা করিতে আরম্ভ করিবে, এই ধারণাই তাহার প্রথম ভুল। নির্মাল্য ত কোন দিনই তাহাকে এক মুহূর্তের জ্ঞাতও অবহেলা করে নাই! অবহেলা যদি কেহ কাহাকেও করিয়া থাকে, তবে সে ই নির্মাল্যকে করিয়াছে। এই অবহেলার পরিবর্তে নির্মাল্য তাহাকে সম্মান ছাড়া আর কিছুই দেয় নাই,—তাহার ব্যবহারের কোন দিক দিয়া অপমানের গন্ধ পর্য্যন্ত পাওয়া যায় নাই। গীতার মস্ত বড় ভ্রম যে, এ জিনিষট' তাহার চোখে পড়ে নাই। সে বুঝিতে পারে নাই, বুঝিতে চেষ্টা পর্য্যন্ত করে নাই,—কত বড় একটা হৃদয় নির্মাল্যের প্রতি ব্যবহারের পিছনে লুকানো আছে। সব চেয়ে বড় ভুল তাহার বুঝিবার যে, তাহার ভিতরও একটা মস্ত বড় নারীর প্রাণ সম্ভব আছে,—আদরে, ভালবাসায় সে সাদা না দিয়া থাকিতে পারে না। নির্মাল্যের বিরুদ্ধে যত বড় সংস্কার লইয়াই সে জীবন পথে অগ্রসর হউক না কেন, সংসারের ঘাত প্রতিঘাতে তাহার হৃদয় এক দিন না এক দিন ভরিয়া উঠিবেই। তাহার হৃদয়-দুয়ার চিরদিন এ সংস্কার দ্বারা বন্ধ হইয়া থাকিবে না,—এক দিন না এক দিন তাহা উন্মুক্ত হইবেই। গীত! আজ তাহার ভ্রম বুঝিল। সে বুঝিল যে, অলক্ষিতে সে নির্মাল্যকে ভালবাসিয়া

ফেলিয়াছে। নারীর প্রাণ লইয়া ইহা ছাড়া তাহার আর অন্য উপায় ছিল না। খেয়ালের পরদা যদিও এত দিন সমস্ত ঢাকিয়া রাখিয়াছিল,—আজ সহসা এক আঘাতে সমস্ত পরিষ্কার হইয়া হৃদয়ের আসল কথাটা বাহর হইয়া পড়িয়াছে।

গীতা হাসপাতালে পৌঁছিয়া দেখিল যে, নির্ম্মালের ব্যাণ্ডেজ কদা হইয়া গিয়াছে,—সে অচেতন অবস্থায় খাটিয়ায় পড়িয়া আছে। নির্ম্মালের অবস্থা দেখিয়া সে কাঁদিয়া ফেলিল। তাহার ইচ্ছা হইতেছিল, তাহার বক্ষ সেখানে ছিঁড়িয়া দিতে। নির্ম্মালা বাহতে বাসিয়াছে,—সে বুঝি জানিয়া গেল না, গীতা তাহাকে কত ভালবাসে। অবহেলা লইয়াই সে চলিয়া গেল—ভিতরের আসল জিনিষ দেখিবার তাহার সুযোগ হইল না।

ডাক্তার গীতার পরিচয় পাইয়া তাহাকে জিজ্ঞাসা করিলেন যে, তাহার স্বামীকে সে হাসপাতালে রাখিয়া যাইতে চায়, না বাড়ী লইয়া যাইতে চায়। তাহার যেমন অবস্থা, তাহাতে তাহাকে নাড়া না নাড়া উভয়ই সমান। সে যদি তাহার স্বামীকে বাড়ী লইয়া যাইতে চায় তবে কলেজের ambulance গাড়ীতে তাহাকে বাড়ী পৌঁছাইয়া দিতে পারা যায়। গীতা তাহাকে বাড়ী লইয়া যাইবে স্থির

করিল। যাহাই হউক না কেন, নির্ম্মালা একমাত্র তাহারই
 জিনিষ,—যাহা হইবার তাহা তাহার চোখের উপরই
 হউক। নির্ম্মালাকে বাড়ীতে আনিয়া বড় কয়েকজন
 ডাক্তার ও পিতাকে খবর দিয়া গীতা তাহাকে লইয়া বসিল।
 আজ তাহার স্পর্শ তাহার দেহ মন সচকিত করিয়া তুলিল।

তাহার মনে পড়িল আগের কথা,—এমনও দিন ছিল,
 যখন নির্ম্মালোর স্পর্শ তাহার কাছে ব্রশ্চিক দংশনের মত
 লাগিত। আজ কেমন করিয়া কি এক মোহন স্পর্শে তাহা
 অমৃতের সিঞ্চন অপেক্ষাও মধুর হইয়া দাঁড়াইয়াছে।
 নির্ম্মালোর একখানা হাত নিষ্ফের গালের উপর রাখিয়া
 গীতা নিষ্ফের জীবনের কথাই ভাবিতে লাগিল। নির্ম্মালা
 ছাড়া আজ আর তাহার ভাবিবার অণু কিছুই নাই,—
 তাহার হৃদয় আজ নির্ম্মালাময়। অণু কোন কথা তাহার
 মনে হইল না। অণু সমস্ত ভাবনা চিন্তা তাহার মন হইতে
 মুছিয়া গেল। সুশীল দূরে পড়িয়া রহিল, কুশল ধীরে ধীরে
 মিলাইয়া গেল। তাহার অন্তর জুড়িয়া রহিল নির্ম্মালা,—
 একমাত্র নির্ম্মালোরই আকুল ভাবনা।

ডাক্তার আসিয়া দেখিয়া শুনিয়া ঔষধ দিলেন ও তাহার
 একজন সহকারীকে রাত্রিতে থাকিতে পাঠাইয়া দিবেন
 বলিয়া চলিয়া গেলেন। বিশেষ আশা তিনি দিয়া যাইতে

পারিলেন না। তবে আশা তিনি একেবারে ছাড়েনও
নাই।

গীতা প্রায় অসাধাই সাধন করিল,—চিকিৎসায়, সেবায়,
শুশ্রূষায়, সে দিনে দিনে নিশ্যালাকে আরোগ্যের পথে
টানিয়া আনিতে লাগিল। নিশ্যালোর আয়ুর জ্বায়েই
হউক, গীতার আকুল প্রার্থনার বলেই হউক, বা ডাক্তারের
ঔষধ ও গীতার একান্ত শুশ্রূষার গুণেই হউক, অথবা
তাহাদের সম্মিলিত শক্তির গুণেই হউক, নিশ্যাল্য এ
যাত্রায় প্রায় কালের কবল হইতেই উদ্ধার পাইল।

সে একটু ভাল হইলে, গীতা তাহার শয্যার পার্শ্বে বাঁসয়া
তাহার সমস্ত কাহিনী বলিয়া গেল। বলিতে বলিতে
সে কাঁদিয়া আকুল হইল। নিশ্যাল্য কিছুই বলিল না,—সে
চুপ করিয়া তাহাকে কাঁদিতে দিল। পরিশেষে গীতাকে
বুকে টানিয়া লইয়া পরম আদরে তাহার মাথায় হাত
বুলাইতে বুলাইতে সে বলিল, “সত্যি গীতা, প্রেমাক্রম হইলে
আমি তোমার দিকটা চেয়ে দেখতে পারি নি। তোমার
উপর অবিচার করেছি, কিন্তু সবই আমার প্রেমের জন্ত।
আমার প্রেমের ভিত্তিটা শক্ত ছিল বলেই, আজ আমি
তোমাকে ফিরে পেয়েছি।”

গীতা কাঁদিয়া ফেলিল। “ও সব কথা বলে আর

আমাকে অপরাধী করো না গো। মানুষ আমি,—ভুল করেছিলাম, আজ ভুল বৃত্তে পেরেছি,—আমাকে ক্ষমা করো।”

“তোমাকে ক্ষম করবার তো কিছু নাই ভুল আমার। কিন্তু সমস্ত ভুলের মাঝেও আমার একটা জিনিষ খাঁটি ছিল,—সে তোমার উপর ভালবাসা।”

“তাই ত আমাকে আরও অপরাধী করে তুলেছে। ওগো, পুরানো কথা সব ভুলে যাও। এস, আজ থেকে আমরা নতুন করে জীবন আরম্ভ করি। আজ যে আমার নবজীবন।”

“সত্যি গীতা, আজ আমাদের নবজীবন। অতীত মুছে গেছে, ভবিষ্যৎ জানতে চাই না। এটুকু শুধু উপভোগ করতে চাই যে, তুমি আমার, আর আমি তোমার। আজই যে আমাদের সত্যি বিয়ে” এই বলিয়া নিঃশাল্য গীতাকে আবেগে বক্ষে চাপিয়া ধরিয়া তাহার ওষ্ঠে প্রগাঢ় চুম্বন ঢালিয়া দিল। তখন স্নাতকের শাস্ত্র অরুণরাগ আনালাল ফাঁক দিয়া গৃহের ভিতর আসিয়া পড়িয়াছিল।

শেষ পর্য্যন্ত গীতার পরাজয় হইল। কুশল সম্বন্ধে সামান্য আপশোষ ছাড়া তাহার পিতার এমন বিশেষ কিছুই হইল না। যে শিক্ষা তাঁহাকে দিবার জন্য গীতা নিৰ্ম্মাণ্যকে বিবাহ করিয়াছিল, তাহার কিছুই তাঁহার হইল না। নিৰ্ম্মাণ্যও তাহার সুগভীঃ ভালবাসার বলে গীতাকে শেষ পর্য্যন্ত সম্পূর্ণ জয় করিয়া লইল। শেষ পর্য্যন্ত গীতা নিজের ভুল বুঝিল। এ কি শুধু গীতার পরাজয়? এ ভুল বোঝার মাঝে কি পরাজয় ছাড়া আর কিছু দেখা যায় না? ভুল স্বীকারের মাঝেও ত জয়ের ধ্বনি বাজিয়া উঠে। ভুল পথে যাওয়াই পরাজয়, ভুল সংশোধনে জয় ছাড়া আর কিছুই নাই। অথচ যাহা বলে বনুক, আমরা তাহাকে জয়ী ছাড়া আর কোন নামে অভিহিত করিতে পারিব না।

কুশল বিলাত হইতে ফিরিয়া রাস্তায় এলাহাবাদে দুদিন থাকিয়া আসিয়াছিল। মৈত্রেয়ীর সংসর্গে তাহার চিত্ত নূতন আবেগে আলোড়িত হইয়া উঠিয়াছিল। সে লক্ষ্য করিয়াছিল যে, তাহাকে দেখিলেই মৈত্রেয়ী রাজা

হইয়া উঠে। তাহার কিছুই বৃষ্টিতে বাকী রহিল না। কিন্তু বিষম সমস্যায় তাহার মন ব্যাকুল হইয়া উঠিল। তাহাদের মধ্যে যে সম্বন্ধ দাঁড়াইয়াছে, তাহাতে বিবাহই সব চেয়ে সহজ সিদ্ধান্ত। মৈত্রেয়ীর মতন মেয়ে লাভ করা যে কোন পুরুষেরই পরম সৌভাগ্য। তাহাকে পাইয়া যে কোন পুরুষ সুখী ও ধন্য হইতে পারিবে। মৈত্রেয়ী তাহাকে ভালবাসে; এমন অবস্থায় তাহাকে লাভ করা অপেক্ষা বাঞ্ছনীয় আর কি থাকিতে পারে? সহসা গীতার স্মৃতি মনে আসিতেই তাহার সমস্ত চিন্তায় বাধা পড়িয়া গেল, সমস্তা আসিয়া সমস্তের গতিরোধ করিয়া বসিল।

গীতা নিশ্চাল্যাকে বিবাহ করিয়াছে বটে, কিন্তু সে নিজ মুখেই তাহাকে বলিয়াছে যে, এ বিবাহ সে অন্তরের ভিতর স্বীকার করিতে পারিবে না। তাহার একনিষ্ঠ ভালবাসা চিরদিনই কুশলকে লক্ষ্য করিয়া চলিতে থাকিবে। কেবল পিতাকে মর্যাদাসিক শিক্ষা দিবার জন্তই সে নিশ্চাল্যের হাতে আত্মোৎসর্গ করিয়াছে। এমন অবস্থায় কি তাহার উচিত হইবে, অত্নের হাতে নিজের মন সমর্পণ করা? গীতা শুনিতেই বা কি মনে করিবে? তাহার বিবাহের বার্তা কি গীতার মনে নির্দয় ভাবে আঘাত দিবে না? গীতার

প্রতি প্রাণ-ঢালা ভালবাসা লইয়া ইহাই কি তাহার শেষ পর্য্যন্ত কর্তব্য হইবে !

কুশল কলিকাতায় আসিয়া পৌঁছিয়াছিল। গীতার সহিত সে দেখা করিতে পারে নাই,—সকোচ আসিয়া তাহার গতিবোধ করিয়াছিল। কলিকাতায় আসিবার দুদিন পরে একদিন প্রভাতে কুশল মিঃ ব্যানার্জীর নিকট হইতে নিয়লিখিত পত্র পাইল।

“কুশল,

এবার তোমার এখানে অবস্থিতির সময়ে আমি একটা বিশেষ ঞ্চিনিস লক্ষ্য করেছি। তোমার ও মৈত্রেয়ীর মাঝে সম্পর্কের একটা বিশেষত্ব আমার চোখে এসে পড়েছে। এমন একটা আশা অনেক দিন হতেই আমার মনের কোণে উঁকি মেরেছিল। তোমাদের এবার দেখে আমার সে আশা আরও দৃঢ় হয়েছে। আমি তোমার নিজ মুখ হতে জানতে চাই, আমার সন্দেহ ঠিক কি না? মৈত্রেয়ী সম্বন্ধে তোমার মনের ভাব কি? তুমি যদি তাকে ভালবাস, তবে বোধ হয় এখন আর তাকে তোমার গ্রহণ করতে কোন আপত্তি থাকতে পারে না। তুমি সক্ষম হয়েছ। ইচ্ছা করলেই তুমি এখন বিয়ে করতে পার। যদি মৈত্রেয়ীকে তুমি ভালবেসে থাক, তবে তার মত জিজ্ঞাসা

করতে পার। আমার খুবই বিশ্বাস, সেও তোমাকে ভালবাসে। উভয়ে যদি উভয়কে ভালবাস, তবে ত এখন আর কোন বাধা নাই। আমরাও সুখী হতে পারি। তোমার মত পাত্রের হাতে কন্যা দান করা পরম সৌভাগ্যের বিষয়। চিঠি পাঠায় কুশল নানা চিন্তায় ডুবিয়াছিল; এমন সময় নির্ম্মালা আসিয়া উপস্থিত হইল। তাহার সহিত কুশলের আগে আলাপ ছিল না, এই প্রথম আলাপ নির্ম্মালা কুশলকে গীতার হইয়া সে বাত্রে তাহার বাড়ী নিমন্ত্রণ করিয়া গেল।

রাত্রে কুশল গীতার বাড়ী গেল। কত দিন যাত্ন সে গীতাকে দেখে নাই,—তাহার ভিতর কত পরিবর্তন হইয়া গিয়াছে। কুশল আশঙ্কা করিয়াছিল যে, গীতা ম্লান হইয়া গিয়াছে। কিন্তু সে দেখিয়া আশ্চর্য হইয়া গেল যে, ম্লান হওয়া ত দূরের কথা, সে আরও উজ্জ্বল হইয়া উঠিয়াছে। সেই চিরপ্রফুল্ল মুখে এখনও সর্বদা তেমন হাসি লাগিয়া আছে। কুশল অবাক হইয়া গেল,—ভিতরে এত বড় ব্যথা বহিয়া কেমন করিয়া সে মুখে প্রফুল্লতা আসিতেছে।

থাওয়া দাওয়ার শেষে গীতা তাহাকে নিভূতে ডাকিয়া বলিল, “কুশল, একটা কথা তোমাকে সর্ব প্রথমই বলা উচিত ছিল; কিন্তু নিভূতে না পাওয়ার বলতে পারি নাই।

আমার আগেকার কথা ভুলে যাও,—সে সব অতীত, সমস্ত ভুল। স্বামীকে পেয়ে আমি ধন্য হয়েছি, সুখের সন্ধান আমি পেয়েছি। সব কথা ভুলে গিয়ে এটুকু শুধু মনে রেখো যে, আমরা আজীবন সুস্থ,—চিৎদিন তাহাই থাকব।”

বাসায় ফিরিবার সময় গাড়ীতে কুশল গীতার কথা-গুলিই ভাবিতেছিল। গীতা স্বামীকে পাইয়া সুখের সন্ধান পাইয়াছে,—সে তাহার আজীবন সুস্থ,—তা ছাড়া আর কিছুই নয়! মৈত্রেয়ীর কথা তাহার মনে জাগিল,—তাহাকে পাইয়াও কি কুশল এমনি সুখী হইতে পারিবে না! কেন পারিবে না? মৈত্রেয়ী তাহাকে ভালবাসে, আর সমস্ত অতীত সন্দেহ সেও যে তাহাকে ভালবাসে না, তাহা নয়। এত দিন গীতা তাহার বন্ধন ছিল,—আজ সেই নিষ্ক মুখে তাহাকে কবুল জবাব দিয়াছে,—সে সুখী হইয়াছে, সে এখন তাহার বন্ধু ছাড়া আর কিছুই নয়।

বাসায় ফিরিয়াই কুশল দুইখানা চিঠি লিখিল—একখানা মিঃ ব্যানার্জির চিঠির উত্তর; অপর খানা মৈত্রেয়ীর নামে।

আটি-আনা-সংস্করণ-গ্রন্থমালা

মূল্যবান সংস্করণের মতই—

কাগজ, ছাপা, বাঁধাই—সব্বাসুন্দর।

—আধুনিক শ্রেষ্ঠ লেখকের পুস্তকই প্রকাশিত হয়।—

বঙ্গদেশে যাহা কেহ ভাবেন নাই, আশাও করেন নাই। আমরাই ইহার প্রথম প্রবর্তক। বিলাতকেও হার মানিতে হইয়াছে—সমগ্র ভারতবর্ষে ইহা নূতন সৃষ্টি। বঙ্গসাহিত্যের অধিক প্রচারের আশায় ও যাহাতে সকল শ্রেণীর ব্যক্তিই উৎকৃষ্ট পুস্তক পাঠে সমর্থ হন, সেই মহা উদ্দেশ্যে আমরা এই অভিনব ‘আটি-আনা-সংস্করণ’ প্রকাশ করিয়াছি।

সফলবাসীদের সুবিধার্থ, নাম রেজেষ্ট্রী করা হয়; গ্রাহকদিগের নিকট নবপ্রকাশিত পুস্তক ভিঃ পিঃ ডাকে প্রেরিত হয়। পূর্ব প্রকাশিতগুলি একত্র, বা পত্র লিখিয়া, সুবিধানুযায়ী, পৃথক পৃথকও লইতে পারেন।

ডাকবিভাগের নূতন নিয়মানুসারে মাণ্ডলের হার বৃদ্ধিত হওয়ায়, গ্রাহকদিগের প্রতি পুস্তক ভিঃ পিঃ ডাকে ৮০ লাগিবে। অ-গ্রাহকদিগের ৮০ লাগিবে।

গ্রাহকদিগের কোন বিষয় জানিতে হইলে, “গ্রাহক-নম্বর” সহ পত্র দিতে হইবে।

প্রতি বঙ্গমালা মাসে একখানি নূতন পুস্তক প্রকাশিত হয়;—

১। আত্মজী (৭ম সংস্করণ)—রায় শ্রীঅলধর সেন বাহাদুর।

- ২। ধর্মপাল (৩য় সং)—শ্রীরাখালদাস বন্দ্যোপাধ্যায়, এম-এ।
- ৩। পল্লীসমাজ (৬ষ্ঠ সং)—শ্রীশরৎচন্দ্র চট্টোপাধ্যায়।
- ৪। কাঞ্চনমালা (২য় সং)—শ্রীহরপ্রসাদ শাস্ত্রী, এম-এ।
- ৫। বিবাহ-বিপ্লব (২য় সং)—শ্রীকেশবচন্দ্র গুপ্ত, এম-এ, বি-এল।
- ৬। চিত্রালী (২য় সং)—শ্রীমুখীননাথ ঠাকুর, বি-এ।
- ৭। দুর্বাদল (২য় সং)—শ্রীযতীন্দ্রমোহন সেনগুপ্ত।
- ৮। শাস্ত্র চিন্তারী (২য় সং)—শ্রীরাধাকমল মুখোপাধ্যায়।
- ৯। বড়বাড়ী (৭ম সংস্করণ)—রায় শ্রীজলধর সেন বাহাদুর।
- ১০। অরক্ষণীয়া (৬ষ্ঠ সং)—শ্রীশরৎচন্দ্র চট্টোপাধ্যায়।
- ১১। ময়ূর (২য় সং)—শ্রীরাখালদাস বন্দ্যোপাধ্যায়, এম-এ।
- ১২। সত্য ও মিথ্যা (৩য় সং)—শ্রীবিপিনচন্দ্র পাল।
- ১৩। রূপের বালাই (২য় সং)—শ্রীহরিসাধন মুখোপাধ্যায়।
- ১৪। সোণার পদ্ম (২য় সং)—শ্রীসরোজরঞ্জন বন্দ্যোপাধ্যায়।
- ১৫। লাইকা (২য় সংস্করণ)—শ্রীমতী হেমনলিনী দেবী।
- ১৬। আলোয়া (২য় সংস্করণ)—শ্রীমতী নিরুপমা দেবী।
- ১৭। বেগম সমরু (সচিত্র)—শ্রীব্রজেননাথ বন্দ্যোপাধ্যায়।
- ১৮। নকল পাঞ্জাবী (২য় সংস্করণ)—শ্রীউপেন্দ্রনাথ দত্ত।
- ১৯। বিদ্বদল—শ্রীযতীন্দ্রমোহন সেনগুপ্ত।
- ২০। ছালদার বাড়ী (২য় সং)—শ্রীমুনীন্দ্রপ্রসাদ সর্বাধিকারী।
- ২১। মধুপক—শ্রীহেমেন্দ্রকুমার রায়।
- ২২। লীলার স্বপ্ন—শ্রীমনোমোহন রায়, বি-এ।
- ২৩। অশ্বের ঘর (২য় সং)—শ্রীকালীপ্রসন্ন দাশগুপ্ত, এম-এ।
- ২৪। মধুমল্লী—শ্রীমতী অনুরূপা দেবী।

- ২৫। রঙ্গির ডায়েরী—শ্রীমতী কাঞ্চনমালা দেবী ।
- ২৬। ফুলের তোড়া—শ্রীমতী ইন্দিরা দেবী ।
- ২৭। ফরাসী বিপ্লবের ইতিহাস—শ্রীসুরেন্দ্রনাথ ঘোষ ।
- ২৮। সীমন্তিনী—শ্রীদেবেন্দ্রনাথ বসু ।
- ২৯। নব্য-বিজ্ঞান—অধ্যাপক শ্রীচারুচন্দ্র ভট্টাচার্য্য, এম-এ ।
- ৩০। নববর্ষের স্বপ্ন—শ্রীসরলা দেবী ।
- ৩১। নীল মানিক—রায় বাহাদুর শ্রীদানেশচন্দ্র সেন, ডি-লিট ।
- ৩২। হিসাবনিকাশ—শ্রীকেশবচন্দ্র গুপ্ত, এম-এ, বি-এল ।
- ৩৩। মায়ের প্রসাদ (২য় সং)—শ্রীবারেন্দ্রনাথ ঘোষ ।
- ৩৪। ইংরেজী কাব্যকথা—শ্রীআশুতোষ চট্টোপাধ্যায়, এম এ
- ৩৫। জলছবি—শ্রীমণিলাল গঙ্গোপাধ্যায় ।
- ৩৬। শয়তানের দান—শ্রীহরিসাধন মুখোপাধ্যায় ।
- ৩৭। ব্রাহ্মণ-পরিবার—(২য় সংস্করণ) শ্রীরামকৃষ্ণ ভট্টাচার্য্য ।
- ৩৮। পথে-বিপথে—শ্রীঅবনীন্দ্রনাথ ঠাকুর, সি-আই-ই ।
- ৩৯। হরিশ ভাগুরী (৩য় সংস্করণ) রায় শ্রীজলধর সেন বাহাদুর .
- ৪০। কোন্ পথে—শ্রীকালীপ্রসন্ন দাশগুপ্ত, এম-এ ।
- ৪১। পরিণাম—শ্রীগুরুদাস সরকার, এম-এ ।
- ৪২। পল্লীরানী—শ্রীযোগেন্দ্রনাথ গুপ্ত ।
- ৪৩। ভবানী—৩নিত্যকৃষ্ণ বসু ।
- ৪৪। অমিয় ঙ্গ—শ্রীযোগেন্দ্রকুমার চট্টোপাধ্যায় ।
- ৪৫। অপরিচিতা (২য় সং)—শ্রীপান্নালাল বন্দ্যোপাধ্যায়, বি-এ ।
- ৪৬। প্রত্যাবর্তন—শ্রীহেমেন্দ্রপ্রসাদ ঘোষ, বসুমতী-সম্পাদক ।
- ৪৭। দ্বিতীয় পক্ষ—শ্রীনরেশচন্দ্র সেনগুপ্ত, এম-এ, ডি-এল ।

- ৪৯। ছবি (২য় সং)—শ্রীশরৎচন্দ্র চট্টোপাধ্যায় ।
- ৪৯। মনোরমা—শ্রীমতী সরসীবালা দেবী ।
- ৫০। সুরেশের শিক্ষা (২য় সং)—শ্রীবসন্তকুমার চট্টোপাধ্যায়, এম-এ ।
- ৫১। নাচওয়ালী—শ্রীউপেন্দ্রনাথ ঘোষ ।
- ৫২। প্রেমের কথা—শ্রীললিতকুমার বন্দ্যোপাধ্যায়, এম-এ ।
- ৫৩। গৃহহারা—শ্রীবিভূতিভূষণ বন্দ্যোপাধ্যায় ।
- ৫৪। দেওয়ানজী—শ্রীরামকৃষ্ণ ভট্টাচার্য্য ।
- ৫৫। কাঞ্চালের সাক্ষর (২য় সং)—রায় শ্রীজলধর সেন বাহাদুর ।
- ৫৬। গৃহদেবী (২য় সংস্করণ) শ্রীবিজয়রত্ন মজুমদার ।
- ৫৭। হৈমবতী—শ্রীচন্দ্রশেখর কর ।
- ৫৮। বোঝাপড়া—শ্রীনরেন্দ্র দেব ।
- ৫৯। বৈজ্ঞানিকের বিরুদ্ধ বুদ্ধি—শ্রীসুরেন্দ্রনাথ রায় ।
- ৬০। হারান ধন—শ্রীনসীরাম দেবশর্মা ।
- ৬১। গৃহ-কল্যাণী—শ্রীপ্রফুল্লকুমার গুপ্ত ।
- ৬২। সুরের ছাওয়া—শ্রীপ্রফুল্লচন্দ্র বসু, বি-এস্ সি ।
- ৬৩। প্রতিভা—শ্রীবরদাকান্ত সেন গুপ্ত ।
- ৬৪। আত্রেয়ী—শ্রীজ্ঞানেন্দ্রশর্মা গুপ্ত, বি-এল ।
- ৬৫। লেডী ডাক্তার—শ্রীকালীপ্রসন্ন দাশগুপ্ত, এম-এ ।
- ৬৬। পাখীর কথা—শ্রীসুরেন্দ্রনাথ সেন, এম-এ ।
- ৬৭। চতুর্বেদ (সচিত্র)—শ্রীভিক্ষু সূদর্শন ।
- ৬৮। মাতৃহীন—শ্রীমতী ইন্দিরা দেবী ।
- ৬৯। মহাশ্বেতা—শ্রীবীরেন্দ্রনাথ ঘোষ ।
- ৭০। উত্তরায়ণে গঙ্গাস্নান—শ্রীশরৎকুমারী দেবী ।

- ৭১। প্রতীক্ষা—শ্রীচৈতন্যচরণ বড়াল, বি-এল।
 ৭২। জীবন সঞ্জিনী—শ্রীযোগেন্দ্রনাথ গুপ্ত।
 ৭৩। দেশের ডাক—শ্রীসরোজকুমারী বন্দ্যোপাধ্যায়।
 ৭৪। বাজীকর—শ্রীপ্রেমানুর আত্মী।
 ৭৫। স্বয়ম্বর—শ্রীবিধুভূষণ বসু।
 ৭৬। আকাশ কুমুদ—শ্রীনিশিকান্ত সেন।
 ৭৭। বরপণ—শ্রীশুরেন্দ্রনাথ রায়।
 ৭৮। আহুতি—শ্রীমতী সরসীবালা বসু।
 ৭৯। অক্ষা—শ্রীমতী প্রভাবতী দেবী।
 ৮০। মণ্ডুর মা—শ্রীচরণদাস ঘোষ।
 ৮১। পুষ্পদল—শ্রীযতীন্দ্রমোহন সেন গুপ্ত।
 ৮২। রক্তের ঋণ—শ্রীনরেশচন্দ্র গুপ্ত, এম-এ, ডি-এল।
 ৮৩। ছোড় দি—শ্রীবিজয়রত্ন মজুমদার।
 ৮৪। কালো বো—শ্রীমাণিক ভট্টাচার্য্য বি-এ, বি-টি।
 ৮৫। মোহিনী—শ্রীললিতকুমার বন্দ্যোপাধ্যায় এম-এ।
 ৮৬। অকাল কঘাতের কীর্ত্তি—শ্রীশৈলবালা ঘোষজামা।
 ৮৭। দিল্লীশ্বরী (মচিও)—শ্রীব্রজেন্দ্রনাথ বন্দ্যোপাধ্যায়।
 ৮৮। সুরের মায়া—শ্রীসরোজকুমারী বন্দ্যোপাধ্যায়।
 ৮৯। আনন্দ-মন্দির—শ্রীনরেশচন্দ্র সেন গুপ্ত এম-এ, ডি-এল।
 ৯০। চিরকমার—অধ্যাপক শ্রীমোহিনীমোহন মুখোপাধ্যায় এম-এ।
 ৯১। নারীর-প্রাণ—শ্রীবামাপ্রসন্ন সেন গুপ্ত এম-এ।
 ৯২। পাথরের দায়—শ্রীমাণিক ভট্টাচার্য্য বি-এ, বি-টি (বসু)

গুরুদাস চট্টোপাধ্যায় এণ্ড সন্স,
 ২০৩/১/১, কর্ণওয়ালিস্ ট্রীট, কলিকাতা

